

Vocero di Cuerpo Policial, Liliana Rasmijn:

No bebe y stuur y preveni consecucionan durante e ultimo dos simannan di Carnaval

ORANJESTAD (AAN): Ta falta solamente dos fin di siman pa Aruba bisa ayo na Carnaval 72. Cuerpo Policial di Aruba lo ta presente activamente durante e paradanan benidero, garantizando seguridad y control den e eventonan mas grandi di nos isla.

Vocero di Cuerpo Policial, Liliana Rasmijn, a informa cu

polis ta prepara intensivamente pa tur situacion cu por presenta durante e fin di siman druk aki di Carnaval.

Actualmente, Cuerpo Policial ta wardando for di Smac e cantidad di grupo y participante cu lo ta den e ultimo paradanan di Carnaval. A base di esaki, lo wordo asigna e cantidad necesario di polis pa mantene orden y seguridad durante e eventonan.

Señora Rasmijn a enfatisa cu e aña aki tin menos detencion registra durante e paradanan, compara cu aña pasa. Segun e, esaki ta un señal hopi positivo y un indicacion cu mas hende ta actuando cu responsabilidad.

Un punto importante cu el a destaca ta e consumo di alcohol. Aunque consumo ta keda presente durante celebracionnan, a nota cu mas persona ta opta pa uza un "amigo responsabel" pa stuur. Esaki ta esencial pa mantene seguridad den trafico y preveni accidente. "No bebe y stuur" ta un campaña cu varios organizacion ta impulsando durante e temporada aki, y Cuerpo Policial ta sigui sostene e mensahe aki cu firmesa.

El a agrega cu cualkier persona cu wordo deteni pa stuur bou di influencia di alcohol por enfrente consecucionan serio: detencion, posibilidad di perde rijbewijs y boet.

Cuerpo Policial di Aruba ta sigui promove conscientizacion y responsabilidad den trafico, cue meta di preveni cualkier incidente y asina logra un final di Carnaval safe pa tur ciudadano y bishitante.



Dropping di Diahuebs anochi

Autoridad a gara 2 Venezolano y monton di droga na costa pariba

• Wardacosta a detecta e boto bashi ta drief pariba di Aruba

E Monarcanan di eventonan di SMAC a ricibi nan premio di Setar

ORANJESTAD (AAN): Diahuebs merdia den un ambiente carnavalesco, tur e ganadornan di eventonan di SMAC tabata presente na SETAR Conexion Center hunto cu representantenan di SMAC y nan famia pa ricibi nan premio di SETAR.

Manera ta costumber cada Monarca di Carnaval 72, esta Prins y Pancho Infantil, Hubenil, Grandi y Adulto, Reinanan di Carnaval Infantil, Hubenil, Grandi y Señora Carnaval, Calypso King Infantil, Calypso Queen Hubenil, Roadmarch Queen Infantil, Roadmarch King Hubenil, Rey di Tumba Infantil, Reina di Tumba Hubenil, Rey di Tumba Loco y nos Rey di Tumba a ricibi nan premio for di hefe di Mercadeo di SETAR, Roxana Semeleer-Ras.



Pa SETAR, como nos compania nacional di telecomunicacion, ta un orguyo pa ta sponsor oficial di nos Carnaval desde Carnaval 49. Como compania, nos ta kere firmemente den Carnaval y nos ta aporta grandemente tur aña na paradanan, actividadnan y festivalnan di Carnaval. En especial, na nos gruponan di Carnaval di Mucha y na Carnaval di Noord, p'asina garantiza continuidad di e paradanan pa nos muchanan y futuro generacionnan por gosa.

Carnaval ta nos fiesta cultural di mas grandi y SETAR ta invita pueblo di Aruba pa hunto nos celebra y gosa di e ultimo dos simannan di Carnaval 72!



Liberato Hoek, hefe Servicio Ambulance:

Personanan cu malesa cronico cu ta bay wak e paradanan bay cu nan remedinan

ORANJESTAD (AAN)-- Señor Liberato Hoek, Hefe di Servicio di Ambulance ImSan, ta trece dilanti algun conseho pa e publico cu ta bay wak e paradanan grandi di carnaval.

“Specialmente personanan cu ta sufri di malesanan cronico, bay cu e remedinan cu docter a receta nan, y importante ta pa no tuma nan cu alcohol, pasobra e ta bay haci nan daño. Tambe, en general, pa e publico proteha nan mes contra e solo, kiemen uza protector solar, bebe suficiente likido, tira bon bista riba e muchanan, cu ta aspectonan di tur aña. Hendenan cu ta bay cu cuminda prepara, DVG tin su campaña con pa prepara y warda nan cuminda, y tur esaki ta importante, specialmente den e paradanan grandi.

El a agrega cu e servi-

cio di Hospital, den carnaval, nan ta prefera pa pone accesible su personal pa e paradanan mas grandi y Lighting Parade na Playa. Na San Nicolas no tin e servicio aki pasobra ImSan ta hopi cerca di e parada.



Gemeenschappelijk
Hof van Justitie

Werving & Selectie

Het Gemeenschappelijk Hof van Justitie, vestiging **Aruba**, zoekt enthousiaste kandidaten voor de functie van **Administratief Medewerker**.



Bent u geïnteresseerd?

Voor meer informatie, scan de QR-code of bezoek ons sollicitatieportaal: Werken bij het Hof op www.ghvj.org.



LIMITED TIME ONLY

ENJOY 25% OFF*

WHEN YOU SPEND \$125

PANDORA

AVAILABLE AT

PASEO HERENCIA
J.E. IRAUSQUIN BLVD. 382A
(297) 586 5625

ORANJESTAD
L.G. SMITH BLVD 17
(297) 587 7060

BOOLCHAND'S
HAVENSTRAAT 25
(297) 583 0147

*Offer valid 2/3/2026 - 2/16/2026 while supplies last at participating Pandora retailers and online at pandora.net. Spend \$125 and receive 25% off your Pandora purchase, select styles excluded. See store associate or pandora.net for exclusions. Not applicable Pandora Cares plans, engraving fees, and non-jewelry items such as gift cards. Limit 5 of any single SKUs per person. Selection may vary by store. Not valid with prior purchases. Cannot be combined with any other offers. Void where prohibited. Product not for resale.

Dropping di Diahuebs anochi


Autoridad a gara 2 Venezolano y monton di droga na costa pariba

• *Wardacosta a detecta e boto bashi ta drief pariba di Aruba*



ORANJESTAD (AAN): Di Diahuebs den oranan di anochi un departamento di Crimen Organiza trahando conhuntamente cu Polis uniforma di San Nicolas a detene dos persona y haya un cantidad di bulto di droga den un auto. Tur cos a cuminza, ora cu e avion Dash-8 di Wardacosta di Caribe Hulandes a bin detecta un boto ta drief riba lama pariba di Aruba. Mesora nan a core notifica demas personal di Centro MOC, y esakinan a core notifica e pier di Wardacosta na Aruba cu a saca un boto di accion

rapido, esta Metal Shark cu a mobiliza pa e area. Na mesun momento a notifica Cuerpo Policial, pasobra e chens ta grandi cu e boto aki a caba di wordo uza pa drop droga y a keda abandonada. Esey a pone cu mesora Polisnan a cuminza mobilisa rumbo pa e area. E boto di Metal Shark a yega y a topa cu e boto, y a trece aden. E tabata bashi sin ningun hende riba dje. Pero abordo tin señal cu tabatin hende riba dje y a haya basta cos rebolea. Central di Polis na su turno



a informa Departamento di Crimen Organiza, y mesora a traha un team cu hunto cu Polis Uniforma di San Nicolas a mobiliza y bay den accion. E team aki a cera e area den Colony pa evita cu hende ta sali di e zona. Aki ta unda cu patruya di Polkis a topa cu un auto sospechoso. E oficialnan mesora a drenta den accion, y a stop e vehiculo. Pero e auto no kier a stop, y asina a start un persecucion. Polis a bay nan tras pa para nan pa controla, pero nan no kier a stop.

E persecucion a sigui y a logra di para e auto te na altura di Juana Morto. Pero aki e portanan di auto ad al habri, y e tres personanan cu tabata den e auto a sali y huy pa polis den tur direccion. Polis a logra core bay tras di dos di nan, pero brevemente a perde nan fo'i bista. E unidad di Polis a ricibi refuerzo di personal di Crimen Organiza, y nan a cuminsa cu un buskeda riguroso pa por haya e sospechosonan cu a huy. Aki e Helicopter di Wardacosta tambe a bin duna un man pa purba localiza es-

nan cu a huy, uzando nan ekipo sofisticado. Den un tempo cortico a logra haya dos sospechosonan. Nan a wordo deteni y tur dos ta di nacionalidad Venezolano. No a logra haya e otro sospechoso. Ora cu Polis a bay controla e auto, nan a canta 'bingo'. Pasobra den e auto a haya un cantidad di bulto di droga, y Polis a confisca esakinan. E auto encuestion tambe a wordo confisca. Polis no a informa ki tipo di droga, y tampoco e peso cu a ser haya, y net esey ta un informacion importante. Departamento di Crimen Organiza ta traha incansabelmente pa asina pone man riba esnan cu ta purba drenta cu droga riba nos isla. Cuerpo Policial Aruba ta keda haci un suplica na comunidad cu sa algo of a wak algo pa yama riba nan Tipline di Polis cu ta 111-41.

Corte di Husticia a pone hekwerk temporal pasobra no por soporta Adictonan Ambulante mas



ORANJESTAD (AAN): E area dilanti Corte di Husticia na Playa, tabata conoci como 'Parke Alameda'. Den decada di 1980 pa 1990, bo tabata haya henter dia hopi hende sinta eyan cu nan boter plat ta sinta ta pasa nan dia ta haci nada y sigui bebe. Despues el a bira un area unda e fenomeno di 'choller' a centraliza su mes. Awendia a forza tur hende pa uza e number 'Adicto Ambulante' pa nan. Ora cu a renoba Corte di Husticia, a

cambia e aspecto di e Parke, y awendia casi ta ni wordo yama 'Alameda' mas. Unico cu a resta ta e Adictonan Ambulante, y ta increibel pa kere cu desde 1985 pa awor, ainda Aruba no a logra solucionar e problema di nan ta slenter den ciudad y molestia turistanan.

E siman aki a tuma nota cu diripiente e edificio di Corte na Playa a haya baricada temporal poni full rond di dje. Segun esnan encarga cu e edificio, ta pa motibo di e problema cu Adicto Ambulante dilanti Corte di husticia, a dicidi pa pone hekwerk temporario dilanti di e edificio. Esaki no lo stroba nan entrada principal pa publico. Mientrastanto lo busca un solucion permanente.

Corte di Husticia a pone hekwerk temporal pasobra no por soporta Adictonan Ambulante mas

ORANJESTAD (AAN): E palabra 'regiezitting' ta describi un sesion den Corte di Prome Instancia of den Corte Comun di Husticia pa prepara pa trata contenido di un caso.



Durante e regiezitting di Dialuna awor den Corte Superior, ta bay mira con ta para cu e investigacion y particularmente si mester di investigacion adicional, manera si mester scucha mas testigo, prome cu e contenido di e caso mes wordo trata.

Despues di esey, Corte Superior ta dicidi si e caso por wordo trata den su contenido y ta pone un fecha. E caso New York ta trata di corrupcion administrativo y violacion di secreto di trabao di parti di un agente policial y cuatro periodista den e periodo di Januari 2021 te Maart 2023. Corte den Prome Instancia a condena nan ya caba na castigonan di prison (condicional) y trabao pa comunidad. Varios di e sospechosonan den e caso aki a bay den apelacion cerca Corte Superior contra nan condena den Corte den Prome Instancia. Sinembargo, solamente un di nan a efectivamente sigui cu su apelacion. E otro cuatronan a acepta nan condena. E regiezitting di Dialuna awor ta unicamente tocante e sospechoso N.M.Q.C.d.A., kende a wordo sentencia den Corte den Prome Instancia pa un castigo di prison di 18 luna, di cual 12 luna ta condicional, cu un tempo di prueba di 3 aña.



Cuminsando cu 4 florin, bo por gana e suma grandi aki

Afl.

150.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



Señor Liberato Hoek, Hefe di Ambulance:

Lo tin tres ambulance disponibel pa ruta di carnaval

•Ta pidi tur hende pa tene liber e cruzadanan unda ambulance ta para

ORANJESTAD (AAN) Hefe di Servicio di Ambulans Im-San, señor Liberato Hoek, den entrevista cu Matutino DIARIO, a expresa cu nan ta pensando riba e ultimo dos simannan di carnaval 72. El a bisa cu, normalmente, pa ambulance esaki ta un periodo hopi druk.

“Mi tin cu bisa cu for di cuminsamento te cu aworaki, el a bay relativamente keto, te cu e parada di mucha, cu nos a haya toch diferente melding. Ambulance semper ta prepara pa e temporada di carnaval, no sa cu e ta un temporada hopi druk, no solamente rond di e parada pero pafo di dje tambe”, señor Hoek a señalá.

“E dianan di carnaval lo tin tres ambulance disponibel y ta bon pa hendenan sa tambe cu pa pueblo tambe lo tin tres ambulance destina pa casonan cu ta sosode pafo di e parada”, el a agrega.

Señor Liberato Hoek a menciona cu nan ta confronta cu diferente melding, durante e ultimo parada, y dos cu ta bay bin ta esnan mas pisa pasobra tin diferente actividad tras di otro y riba otro.

El a referi na e factornan cu ta haci mas druk e trabao di ambulance.

“E consumo di alcohol ta hunga un rol, y tur aña esey ta bin dilanti, dus ta difícil pa bisa e hendenan pa no bebe, pero mi ta kere cu tur hende mester bebe na un manera responsabel, pues bo tin cu bay bek cas, y pa evita cu bo por haya bo den un accidente. Mirando loke a sosode na comienzo di aña, y e cantidad di accidentenan, lo ta bon pa hende ta responsabel pa cu bebemento, so well, tanto e bishitantenan como e participantenan den e paradanan”, Liderato Hoek a reitera.

El a reitera cu lo tin tres



ambulance riba e ruta di carnaval, un team riba bicicleta, dos Rapid-Responder, y un hende riba e comando camber den carnaval, cu ta destina specialmente pa e actividadnan aki.

“Na momento cu bo yama 9-1-1 mes, e ta comunica cu e comando camber aki,

cu eigenlijk ta bao maneho di KPA. E informacion cu Ambulance ta pidi ora di un melding ta kico eigenlijk ta pasando, e lugar di e incidente, di manera cu nos por yega mas cerca posibel. Ta importante pa sa cu ambulance ta para riba cierto cruzadanan, y tin biaha nos tin



cu baha, cana bay na e lugar, pasobra no tin otro manera pa yega. P'esey ta importante pa tene liber e cruzadanan cu ta destina pa ambulance. Strategicamente nos a scohe e cruzadanan aki. Aworaki, por ehemplo, na e T-weg cu Adriaan Lacle Boulevard y Henny Eman Boulevard tin

un cambio, y mi ta kere cu DOW a trece esaki dilanti den un conferencia di prensa. Pues, e hendenan mester ta na haltura cu no ta manera antes mas, y e area aki ta destina, eigenlijk, pa servicio di emergencia”, señor Liberato Hoek, Hefe di Servicio di Ambulance a remarca.

Fraccion di MEP ta reuni cu gremionan sindical relaciona cu posibilidadnan petrolero



ORANJESTAD (AAN): Fraccion di MEP a cuminsa cu reunionnan cu stakeholders tocante e posibilidadnan di industria petrolero pa Aruba. Meta di e reunionnan ta pa comparti informacion, y pa haya sa e pensamiento y sentimento di stakeholders. A reuni caba cu algun representante di trahadornan di sector publico y semi publico. E reunionnan lo continua den e siguiente dianan. Desde 3 di januari 2026 tur cos a cambia pa Aruba. Desaroyo di energia petrolero cu no tabata posibel pa hopi aña, debi na e sancionnan mericano riba

Venezuela, desde e fecha aki no ta un estorbo mas. Es mas, Merca tin pensa di inverti 180 pa 200 biyon dollar den industria petrolero di Venezuela, mirando e gran potencial di Venezuela. Y den esaki Aruba por hunga un papel unico y hopi importante. “Nos no ta papiado di habri un refineria nobo na Aruba. Nos ta papiando di e posibilidad di lease e tankinan di almacenado na Aruba, na companianan cu ta buscando tanki pa almacenado e crudo. Aruba ta geograficamente ideal pa e tipo di comercio aki, y e lo no haci un impacto grandi riba



nos infraestructura of medio ambiente. Ademas, tin companianan cu ta dispuesto pa inverti den drecha tur e tankinan y asina por almacenado mas crudo. Mirando cu e desaroyo aki ta di impacto abou, pero di balor halto, fraccion di MEP ta di opinion cu no mester laga e oportunidad aki pasa bay. E ta un forma relativamente sensiyu cu Aruba por haya mas entrada, y diversifica nos economia, sin cu e mester costa pais Aruba mes nada. Esaki ta locual nos ta deliberando cu stakeholders pa mira si tin sosten amplio den comunidad pa

e desaroyo aki. Si nos sinti cu tin e sosten amplio, nos lo pone nos contactonan pa asina yuda gobierno desaroya nos economia mas ainda.

Di e prome reunion por a nota un sosten pa esaki. Nos a delibera riba otro posibilidadnan tambe pa desaroya nos economia. Tabata un bon reunion y mi ta gradici lidernan sindical pa nan presencia. Desde oposicion nos ta scucha y aporta na progreso di nos pais”, tabata palabranan di lider di Fraccion MEP Evelyn Wever-Croes.

Minister di Deporte, Gerlien Croes:

Hopi palabra bunita pa felicita IBiSA cu nan 50 aña di existencia



ORANJESTAD (AAN): Minister di Deporte, Gerlien Croes, durante un conferencia di prensa diaranson merdia, a felicita IBiSA, cu antes tabata IDEFRE, cu e celebracion di 50 aña di existencia. Minister Croes a splica e historia y desaroyo di e unico organizacion di deporte na Aruba aki, indicando cu el a cuminsa den añanan 70 cu e inspiracion y iniciativa di ex politiconan cu a wak e importancia di deporte den nos comunidad y na scolnan, pa keda move y biba saludabel y tambe e parti rec-

reaccional.

ex-Ministro Hendrik Croes a cuminsa cu e iniciativa pa inicia un departamento pa maneho di deporte na Aruba. Pa e tempo ey, e minister a menciona, tabata un iniciativa hopi grandi pa Aruba.

Den e trayectoria di e ultimo 50 añanan cu a transcuri, e minister a menciona, e actividadnan aki a keda tambe como e actividadnan primordial. Actividadnan interinsular of escolar a sigui desaroya y na aña 1976 oficialmente a institui un departamento

di gobierno specifico di deporte, Idefre. Y na aña 2012, e departamento a bira oficialmente IBiSA cu a sigui e mesun meta y inspiracion, asistiendo tur dia gruponan di tur edad, tur organizacion y scol cu nan actividadnan di movecion y salud. Minister Croes ta gradici tur director y trahado cu pa 50 aña a y ta traha activamente pa deporte y salud pa nos comunidad.

“Mi ta felicita directiva, trahandonan, tur partner, tur mayor y comunidad en general cu e 50 añanan di un departamento di deporte unico na Aruba. Mi ta spera cu nos por conta cu boso pa hopi aña mas. Danki na boso cu despues di hopi desaroyo den movecion y deporte, nunca a laga los di e meta y inspiracion cu Aruba mester tin movecion den e comunidad y esaki ta loke nos kier sigui garantisar”, Minister Gerlien Croes a expresa.



Conforme regulacion ministerial a keda stipula prijsnan maximo di benta pa e siguiente productonan, entrante 7 februari 2026

Articulo/Marca	Contenido	Prijs maximo di benta na e detallista (Afl)	Prijs maximo di benta na e consumidor (Afl)
<u>a. Rijst.</u> UNCLE BEN -long grain white	Gelezen: 12/2 lbs. 6/5 lbs. 4/10 lbs.	79.77 86.86 110.85	8.08 17.59 33.67
-whole grain brown rice	12/1 lbs.	44.42	4.50
-brown rice	12/2 lbs.	85.98	8.71
<u>b. Koffie.</u> NESCAFE -clasico sachet -colombian blend dawnjar	Gelezen: 24/50 gr. 12/85 gr. 12/170 gr.	87.91 121.25 177.28	4.49 12.39 18.11
<u>c. Maismeel.</u> FUNCHI FRESKU -geel	Gelezen: 40/500 gr. 12/1.5 kg.	117.16 99.12	3.59 10.13
<u>d. Melkpoeder.</u> FRISIAN FLAG -instant whole milk sachet	Gelezen: 24/350 gr. 12/800 gr. 12/900 gr. 6/1800 gr. 6/2500 gr.	166.91 177.09 201.88 196.07 258.80	8.23 17.45 19.90 38.65 51.02
<u>d. Tonijn.</u> BRUNSWICK -flaked tuna in water -chunk in water low sodium -chunk in water	Gelezen: 48/142 gr. 48/142 gr. 8/6/142 gr. 48/142 gr.	53.42 85.95 85.95 85.95	1.36 2.19 13.17 2.19



Polis a detene dos hoben pa bringamento y a confisca arma blanco



ORANJESTAD (AAN): Diabierna mainta a tuma lugar parada escolar na diferente distrito rond Aruba. Cuerpo Policial tabata presente pa cu e orden publico y seguridad.

Diferente teamnan di polis tabata presente pa asina percura pa e seguridad di tanto e participante y publico para na banda.

Polisnan presente tabata Mobiele Eenheid (ME), polis uniform, polis di bario, K-9, SBV, planologie, OCC, y Flex team.

Na comienso di e parada na Avenida Milio Croes a surgi un brigamento entre algun hoben. Di biaha polis a presenta y a bay over na detencion. Ta trata di dos menor di edad (masculino) cu a wordo deteni y ora a ristanan a topa cu arma blanco riba nan (boksbeugel y sambechi). Cuerpo Policial un biaha mas ta recorda cu nos ta drentando e ultimo simannan di carnaval na unda nos ta pone enfasis riba e controlnan y tambe polis tey pa e seguridad pa cada persona cu lo ta sea den parada of na banda.

Corda FAYA BO HAYA ta bay ta na vigor como tambe controlnan den trafico prome durante y despues di cada parada.

Cuerpo Policial tambe ta urgi comunidad pa si bo ta bebe no stuur. Percura pa bo tin Bo Amigo Responsabel. Un trafico sigur ta responsabilidad di nos tur.

Castigo di prison pa grupo di homber cu a haci tres atraco cu violencia y menaza cu arma

ORANJESTAD (AAN): Diabierna mainta Hues a dicta sentencia pa e hombernan Z.T., J.A., D.P. y A.F., kendenan ta wordo acusa di a haci 3 atraco cu violencia riba riba 3 Augustus 2025 y menaza hende cu arma. E mainta aki, solamente Z.T. y J.A. a presenta. E otro dos acusadonan D.P. y A.F. no kier a bin Corte pa scucha nan castigo y a keda na KIA.

Exigencia di Fiscal: Na Januari 2026 tratamiento di e caso a tuma lugar caminda Fiscal a exigí pa J.A. 4 aña di prison di cual 6 luna ta condicional, pa D.P. 3 aña di prison di cual 6 luna ta condicional cu 3 aña di prueba, Pa Z.T., Fiscal a exigí 3 aña di prison y pa A.F. 12 luna di prison. Tambe Fiscal a exigí pa pone ariba e exigencia e castigo condicional cu e mayoria di e acusadonan tin, pasobra nan a comete e delitonan aki den nan tempo di prueba.

Sentencia: Hues a muestra cu J.A. a admiti di a ranca cadena for di hende na Coconuts, Kalibra (South Beach) y Lekker Bar & Restaurant (Noord). Hues a reacciona riba defensa di abogado cu a bisa cu J.A. a “actua den defensa propio” door cu a ranca cadena for di su garganta, el a bay ranca di otro nan.

A tuma venganza y no defensa propio: Hues a muestra cu J.A. na Kalibra y Lekker Bar, a ranca cadena di hende y hasta bringa cu e victi-
manan cu el a atraca.

Hues a remarca cu ranca cadena di otro no ta defensa propio. E ta mas



bien un accion di venganza. Hues ta haya cu J.A. ta e agresor y no por papia di defensa propio.

Hues a baha castigo: Hues a bisa cu Fiscal a exigí 48 luna di prison di cual 6 luna ta condicional. Pa cu e castigo Hues a muestra cu J.A. tabata forma parti di un grupo cu a haci delitonan serio. Promer na Coconuts despues Kalibra y Lekker Bar & Restaurant. A ataca hendenan cu a bay na e lugarnan aki y a maltrata nan. A usa menaza cu arma. Esaki ta inacceptabel. Hues ta haya cu a crea inseguridad na lugarnan di bishita y den comunidad. Hues a muestra cu segun ley, pa ranca cadena ta castiga 2 aña di prison, pa posesion di arma den auto ta castiga 12 luna di prison. Hues no ta mira motibo manera abogado ta pidi pa aplica castigo hubenil. Hues a remarca cu J.A. ta adulto caba.

Hues a bisa cu e ta tene cuenta cu ta promer biaha cu J.A. ta cay den man di husticia. Tambe Hues ta tene cuenta cu Reclassering a traha raport di J.A. y ta conseha pa J.A. cay bao guia. Hues a condena J.A. na castigo com-

bina pa asina J.A. haya guia di Reclassering y pone presion riba J.A. pa no haci algo similar. Hues a condena J.A. na 36 luna di prison di cual 8 luna ta condicional cu 3 aña di prueba. E tempo di prueba J.A. ta cay bou guia di Reclassering.

Menaza cu arma: Pa acusado Z.T., Hues a bisa cu e tabata involvi den e peleanan y a menaza cu arma na Coconuts y Lekker Bar. Hues a declara Z.T. liber di atraco na Kalibra y tambe a declara Z.T. liber di menaza cu arma na Lekker Bar. Hues no ta haya cu tin suficiente prueba. Pero si Hues ta haya Z.T. culpabel di a menaza na Coconuts, violencia publico na Kalibra, menaza cu arma na Lekker Bar. Tambe posesion di arma di candela hunto cu otro nan. Hues a muestra cu Polis a haya un arma di candela ora cu e grupo a purba di huy den auto. Hues a muestra cu Z.T. a maltrata e agente di Polis cu tabata drumi abao. El a rechaza e ponencia di defensa propio di abogado.

Pa cu e castigo, Hues a muestra cu na November 2025, Z.T. a wordo

condena na Hulanda na 6 aña di prison pa intento di mata. Hues ta tene cuenta cu e sentencia aki. Hues ta haya cu Z.T. no a para responsabel pa loke el a haci. El a condena Z.T. na 2 aña di prison.

Pa D.P., Hues a bisa cu D.P. ta wordo declara liber di atraco na Kalibra y tambe na Lekker Bar. Hues a bisa cu D.P. ta culpabel pa violencia na Kalibra y posesion di un arma di candela den grupo. Hues a rechaza e ponencia di defensa propio. Hues a muestra cu D.P. y Z.T. tabata maltrata e agente di Polis cu tabata benta abao for di tino. Pa cu e castigo, Hues a bisa cu e ta tene cuenta cu a laga D.P. liber condicional pa maltrato di arma. D.P. no a comporta den e tempo di prueba y a comete e delitonan ariba menciona. Hues a bisa cu Reclassering ta haya cu D.P. mester di guia. Hues a condena D.P. na 24 luna di prison di cual

6 luna ta condicional cu 3 aña di prueba.

Pa A.F., Hues a bisa cu A.F. ta wordo declara liber di e atraco na Kalibra y Lekker Bar. Hues ta haya A.F. culpabel di violencia na Kalibra, caminda a bati un agente di Polis. Tambe Hues ta haya A.F. culpabel di a menaza un hende. Hues a rechaza e ponencia di defensa propio. Hues a bisa cu e victima tabata for di tino riba vloer y A.F. a dal'e skop. Pa cu e castigo, Hues a tene cuenta cu A.F. tin castigo pa droga y a haci e delitonan aki den e tempo di prueba. Hues a confirma e exigencia di Fiscal di 12 luna di prison.

Den tur e sentencianan aki mester tene na cuenta cu e castigo condicional cu tabata colga riba cabez di 3 di e acusadonan, promer cu nan a comete e atraconan cu violencia y menaza cu arma. E castigonan condicional ta wordo poni riba e castigo cu nan a haya awor.

MAESTRO BENJAMIN

Mi nomber ta Martha Jansen Wernet, naci dia 13 di maart 1963, mi kier duna mi testimonio di e forma cu Maestro Benjamin a yuda mi cu mi yiu homber George, e tin 32 aña di edad actualmente y e tabata sufrir diariamente pa motive di adiccion na droga y alcohol. Mi a bishita hopi caminda, centronan di rehabilitacion, bruho, pero nunca nan por a yuda mi yiu, e tabata imposibel, pero un dia mi a wak un mensahe di e Maestro Benjamin y mi a tuma e decision pa yama e y haci un afspraak cu e pa wak si e por yudami. Mi tabata pensa cu esaki tabata e delaster cos cu mi por haci pa mi yiu, mi tabata sinti swak di tanto sufrimento dia pa dia, Mi a hiba mi yiu cerca e maestro Benjamin, danki Dios e a acepta di bai, y nos a bai hunto. For di e dia ey mi ta duna danki Dios y Maestro Benjamin paso den tan solamente 22 dia mi yiu tabata un persona nobo, e no a consumi mas droga ni tampoco bebe alcohol, y e no tabata wak mi mas mane su enemigo, e tabata wak mi cu wowonan di amor di yiu pa su mama stima, pasobra pa motive di un bruheria cu su ex pareha, cu cual e la biba 3 aña, y a haci pa e magia preto y pacto cu e demonio mes, cu ta destrui bida, e tabata kier pa mi yiu muri lentamente y haya sufrimento teribeldi cual e finalmente tabata pa e perde su bolundad mental y spiritual. Danki, hopi danki Maestro Benjamin pasobra bo a cambiadida e bida di mi yiu y asina tambe mi bida y di mi famia henter. Danki bendito Dios, pa pone Maestro Benjamin den mi caminda y mi ta bisa tur hende pa nan pidi Dios cu fe, E lo pone personanan indica den nan caminda. Danki Maestero Benjamin



Segun Rubiella Toppenberg di Fundacion FADA.

BAR ta presente den tur skina di Carnaval 72

ORANJESTAD (AAN): Aruba ta den e ultimo eventonan di Carnaval, faltando solamente dos siman y e paradanan di mas grandi di Carnaval. Campañanan di conscientisacion di 'No stuur y bebe' ta intensificando pa e mensahe yega na nos ciudadanonan y preveni lamentacion despues.

Señora Rubiella Toppenberg di Fundacion Anti Droga Aruba (Fada) a enfatisa cu BAR lo ta presente den tur skina di Carnaval 72 y ta encurasha e publico carnavalesco pa no ignora e mensahenan aki durante paradanan binidero y pa sea consciente tur momento.

El a enfatisa cu BAR lo ta presente den tur grupo di Carnaval. Lo tin boluntarianan cu lo ta partiendo e men-



sahe pa recorda tur hende riba BAR. Lo mira BAR riba tur pantaya durante e paradanan como recordatorio y conscientisacion na cada un pa ta responsabel, y no bebe y despues stuur.

Fada ta urgi tur ciudadano cu ta bay paradanan di Carnaval, y cu sa cu nan lo consumi alcohol, pa nan regla nan BAR, e amigo of familiar cu no ta bay bebe, prome cu nan sali for di cas.

Señora Toppenberg a remarca cu Fada lo ta trahan-

do di cerca cu KPA. Tambe vocero di Polis señora Lili-ana Rasmijn activamente ta keda duna informacion riba paginan social di KPA recordando pueblo di e amigo responsabel y enfatisando cu controlnan lo intensiva.

Algo hopi importante cu señora Toppenberg a remarca ta, cu apesar bo a regla un amigo responsabel pa stuur, no mester bebe di mas tampoco. Y tene cuenta principalmente pa duna un bon ehempel na e yiunan chikito cu ta presente. E mensahe ta keda pa cada ciudadano cu ta bay Carnaval, pa sea responsabel y tuma decisionnan responsabel, ta loke señora Toppenberg a enfatisa durante un entrevista recien cu DIARIO.

Segun Errol de Freitas, president di SNBA:

Ainda no a drecha e caminda entre Lago Heights y Colony unda Secrets ta situa

ORANJESTAD (AAN) -- Errol de Freitas a referi den cortu na Secrets Baby Beach Resort, unda cu el a aclarea cu esaki no tabata riba agenda di e reunion cu Comision di Parlamento y SNBA.

"No obstante el a señala cu cada bez cu e Comision yama nan ta pa algo otro". El a haci uso di e oportunidad di e entrevista aki, pa cuestiona algo cu a bay for di man na October aña pasa, cu

a wordo bisa cu ta bay drecha e caminda entre Lago Heights y Colony caminda cu e hotel ta situa, y cerca di e beachnan. Nan a bisa mi na September y awo ta bay ta Maart, awo nos ta na Februari. Anto mi no ta haciendo nada otro atravez di e oportunidad aki, pa bisa 'shonnan' Maart ta un aña. E hendenan di Secrets nan no por sali for di e hotel na pia. Nan por bay beach so. Ni na beach e facilidad ta bon manera mester ta. Nan no tin luz ni na caminda; e tin un situacion eyan cu mi mester bisa 'kico mester ta e prioridad?' Errol de Freitas a remarca, reiterando cu e prioridad mester ta San Nicolas!



A ordo mas plachi...

Pronto tin plach'i number nobo disponibel pa esnan cu mester uno nobo

• *Demanda pa number nobo ta halto*

ORANJESTAD (AAN): Den e dianan aki Departamento di Impuesto no por registra vehiculonan di e contribuyentenan cu mester un number nobo. Esaki debi cu e reserva di plach'i number di categoria A, MFA, DT y O, a caba.

E demanda pa number nobo ta halto, locual ta causa cu no por haci registracion nobo di vehiculo. Den luna di september y december 2025 a ordo 1.500 number (3.000 plachi) extra y tur a caba. Departamento di Impuesto ya a inicia e proceso pa ordo mas plach'i

number y esaki ta canando. Dentro di poco lo anuncia ora cu e plachinan di number ta disponibel pa asina e automobilistanan y motociclistanan cu ta wardando por haya nan plachinan mesora. Registracion di vehiculo pa plachi di categoria A, MFA, DT y O ta continua pa esnan cu ya tin plachi di number y mester haci traspaso pa un otro vehiculo of persona. Registracion pa e otro categorianan di number tambe ta continua normal. Pa loke ta pagonan di impuesto riba numernan



di auto cu no ta paga ainda, esaki ta sigui manera custom-ber. Ta bon pa tene na cuenta cu mester paga tambe e boet pa incumplimento si acaso e prome mita di e impuesto di vehiculo di motor 2026 no a wordo paga na tempo. Departamento di Impuesto ta ofrece su disculpa pa e situacion inconveniente aki y ta segura cu e situacion cu a presenta tin e maximo atencion pa asina e contribuyentenan automobilista of motociclista por ricibi nan plachi nobo mas pronto cu ta posibel.



AANKONDIGING

Bij exploit van mij, Josefin P Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van 6 februari 2026, waarvan een afschrift is gelaten aan de directeur van de DWJZ in Aruba, die het origineel hiervan voor GEZIEN heeft getekend, is aan **David Alfonso CALDERON PIRELA**, zonder bekende woon- of verblijfplaats in Aruba

BETEKEND:

Een gosse van beschikking van **30 september 2025**, ten verzoeken van **Alexis Pedro Rafael KROZENDIJK**, wonende in Aruba, waarbij de adoptie is uitgesproken van **Natalia Sabrina CALDERON ARAUJO** geboren op 13 augustus 2007 te Venezuela door verzoeker

Josefin P. Locadia,
gerechtsdeurwaarder.
Tel: 588-1700



AANKONDIGING

Bij exploit van mij, Josefin P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van 6 februari 2026, waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **Blanca RAMOS**, zonder bekende woon- of verblijfplaats in Aruba of elders, **OPGEROEPEN** om op **maandag, 4 mei 2026 des voormiddags om 09:40 uur** ter terechtzitting van het Gerecht in Eerste Aanleg van Aruba, gevestigd aan de J.G. Emanstraat nr. 51 Aruba te verschijnen, teneinde op het door **Salvador Anacleto ERASMUS**, ingediend verzoek te worden gehoord.

Josefin P. Locadia,
Gerechtsdeurwaarder.
Tel: 588-1700



AANKONDIGING

Bij exploit van mij, Josefin P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van 6 februari 2026, waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **Jeritza Philomena Hilaria EISDEN**, zonder bekende woon- of verblijfplaats in Aruba, **OPGEROEPEN** om **maandag, 20 april 2026 des voormiddags om 09:40 uur** ter terechtzitting van het Gerecht in Eerste Aanleg van Aruba, gevestigd aan de J.G. Emanstraat nr. 51 Aruba te verschijnen, teneinde op het door **Wendley Alberto OFFERMAN**, ingediend verzoek te worden gehoord.

Josefin P. Locadia,
Gerechtsdeurwaarder.
Tel: 588-1700



AANKONDIGING

Bij exploit van mij, Josefin P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van 6 februari 2026, waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **Argeline Bermilda HENRIQUEZ**, zonder bekende woon- of verblijfplaats in Aruba of elders, **OPGEROEPEN** om op **woensdag, 20 mei 2026 des voormiddag om 09:00 uur** ter terechtzitting van het Gerecht in Eerste Aanleg van Aruba, gevestigd aan de J.G. Emanstraat nr. 51 Aruba te verschijnen, teneinde op het door **de vennootschap met beperkte aansprakelijkheid MACK'S TOTAL FINANCE VBA**, ingediend verzoek te worden gehoord.

Josefin P. Locadia,
Gerechtsdeurwaarder.
Tel: 588-1700



AANKONDIGING

Bij exploit van mij, Josefin P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint Eustatius en Saba, en bij het Gerecht in Eerste Aanleg van Aruba, d.d. 6 februari 2026, waarvan een afschrift is gelaten aan de directeur van de DWJZ in Aruba, die het origineel hiervan voor GEZIEN heeft getekend, is aan **Alwin Raul Kelly**, zonder bekende woon- of verblijfplaats in Aruba of elders

BETEKEND:

Een gosse van een vonnis van 18 mei 2015 van het Gerecht in Eerste Aanleg van Aruba ten verzoek van **Judith Margaritha DONATO** wonende in Aruba, om **BINNEN TWEE DAGEN** aan de inhoud van dit vonnis te voldoen en te betalen, welk hierbij korthedshalve wordt verwezen

Josefin P. Locadia,
gerechtsdeurwaarder.

Telefonnan di DIARIO 582-6747
WhatsApp - 561-5325

Estudiante di Avans Hogeschool a haci su pasantia na Directie Natuur en Milieu



ORANJESTAD (AAN): Estudiante di Ciencia Ambiental na Avans Hogeschool, Breda, Janelina Thijzen, a haci su pasantia na DNM di 1 di september 2025 pa fin di januari 2026. Como estudiante di Ciencia Ambiental, den su ultimo fase di estudio, el a escoge DNM pa su pasantia; específicamente bou di guia di e departamento di investigación y monitoreo di DNM.

Durante su pasantia e tabata envolvi y ocupa cu analisis y ampliacion di data ecológico. Especialmente riba matanan grandi y bieu cu por tin un babor ecológico importante pa Aruba. E proyecto “Midi

Nos Matanan” ta un proyecto di ciencia cu participacion di ciudadanonan pa asina DNM haya mas informacion posibel di matanan grandi y bieu rond di Aruba.

E investigacion a concentra riba tres especie di palo di mata cu ta comun na Aruba: (*) Kwihi (Prosopis juliflora) - 351 midimento. (*) Wayaca (Guaiacum officinale) - 216 midimento. (*) Watapana (Caesalpinia coriaria) - 202 midimento.

A midi 769 palo di mata di e tres especie aki. Pa haya e palo di mata mas grandi, e team a bay hunto cu e estudiante rond di nos isla y hasta

a pidi permiso na casnan unda tin palonan grandi den hof, pa asina midi. Uzando calculacion estadístico, e estudiante a determina cua palonan tin troncon excepcionalmente diki. A uza dos manera di clasificacion:

Clasificacion amplio: 81 palo.

Clasificacion estricto: 21 palo.

Entre e palonan mas impresionante tin, por ehempel, un Wayaca di 644 cm na Windstraat, un otro Wayaca di 332 cm na Barcadera y un Watapana di 398 cm na Piedra Plat.

Segun stakeholdernan local, palonan monumental tin babor pa varios motibo: (*) Nan edad (bieu), (*) Nan importancia ecológico, (*) Nan nificacion historico of cultural, y (*) Nan rol den educacion y conscientizacion ambiental.

E resultado di e proyecto ta muestra cu Aruba tin varios palo di mata cu por considerase como monumental, y cu tin potencial pa proteccion legal bao di e Ordenansa di



Conservacion di Naturalesa, Artículo 4 y 10 (Natuurbeschermingsverordening). Dependiendo di e manera cu gobierno y instancianan relevante kier maneha e tema, entre 21 y 81 palo di mata por haya recomendacion pa proteccion y conservacion.

Esaki ta un bon ehempel con investigacion y colaboracion cu comunidad por contribui na un Aruba ta mas berde y sostenibel. DNM ta desea Janelina Thijzen hopi exito cu su estudio final y ta gradici’e pa su contribucion.

Conoci como caso Bromelia

Fiscal a exigi 30 luna prison pa ex-dirigente di Stichting Sportsubsidie Aruba



ORANJESTAD (AAN): Corte den Prome Instancia a trata Diabierna e caso penal ‘Bromelia’ contra e sospechoso K.R.V. (30), ex-dirigente di Stichting Sportsubsidie Aruba (SSA).

E acusado V. mes no tabata presente den Corte, mirando cu e no ta na Aruba y no a bolbe mas tampoco pa e tratamento dilanti hues. E ta wordo acusa di estafa di SSA, malversacion di fondosnan publico, labamento di placa y maluso di funcion.

Den e periodo di mei 2023 te september 2024, V. a malversar mas di 180.000 Florin. E placa aki a wordo, entre otro, pasa via cuentanan bancario di cuatro otro persona

(asina yama ‘money mules’), pa finalmente yega riba cuenta di e sospechoso. Den practica esey ta significa cu e tabata paga e subsidionan na su mes. E no tabata ni duda pa falsifica e firma di e minister di Enseñansa y Deporte diferente biaha.

Banda di K.R.V. tin mas sospechoso den e investigacion aki, entre nan e money mulesnan envolvi. Nan lo wordo yama pa un Cita cu Fiscal of TOM-zitting (Transactie Openbaar Ministerie).

Ministerio Publico ta tuma V. hopi na malo loke el a haci. Atrobe e ciudadando Arubano a keda perhudica pa un dirigente cu ta usa placa di Pais Aruba pa financia su estilo di

bida luhoso. Placa destina pa engrandecer deporte, a wordo malusa. Cu esey V. a causa daño na integridad di gobierno, di SSA y otro stichtingnan gubernamental.

Aunke V. a paga SSA bek gran parti di e placa cu a somenta, Ministerio Publico ta haya cu un medida di compensacion di daño contra dje ta na su lugar, pa asina e paga e suma cu a keda habri: 7.720,63 Florin.

Ministerio Publico a exigi un castigo di prison di 30 luna contra dje. Tambe Ministerio Publico ta pidi pa V. perde e derecho pa traha como ambtenaar pa un periodo di siete año. Ministerio Publico ta ademas exigi encarcelacion inmediato di V., pa motibo cu ta calcula cu e riesgo ta existi cu e lo por trata di evita eheucion di e castigo.

Hues a suspende tratamiento di e caso te 27 di februari venidero. Riba e fecha ey e caso lo wordo tuma di nobo y cera. Posibelmente hues lo dicta sentencia mes dia tambe.

Grupo ERA di Curaçao tambe ta cantando ‘The Lizard Kacking’ y a bira viral



ORANJESTAD (AAN): E siman aki riba Social Media a aparece un grabacion haci na Curaçao door di e famoso grupo musical, esta E.R.A. Outentiko tocando nan version di ‘The Lizard Kacking’ di Soilo Sanchez, mihor conoci como Lord Lally kende a bira Aruba Soca Monarch 2026.

E cancion di e grupo di Corsou a wordo canta door di Reinier Lijfrock cu e comienso ta keda fiel na e composicion original, incluyendo e ‘ke ke ke’ den e cancion. Tambe a inclui e parti di ‘wave your hands in the air’.

Pero mey-mey di e cancion, Reinier Lijfrock a agrega diferente parti na Papiamento, mustrand cu “tur anochi nan ta sali, riba caya”, etc. E ta uza e palabra Toteki pa referi na dje.

Y ta dal duro cu e palabranan: “Shon Toteki si ta strobami di drumi”. E cancion di ERA ta muestra di a wordo graba durante un Jump-In na Curaçao.

Parlamentario Clifford Heyliger di Fraccion di AVP

Parlamento tin su reglanan y e Comisionnan no mester desvia di esaki

ORANJESTAD (AAN) -- Parlamentario Clifford Heyliger, di Fraccion di AVP, den entrevista cu Matutino DIARIO, a duna di conoce cu nan ta siman aki nan ta papia tin un reunion cu San Nicolas Business Association, tocante vivienda y ayera nan a papia di energia. Pero e Comision ta Comision Finanzas y eigenlijk e tema

no ta regarda nan. El a enfatisa cu Parlamento tin reglanan pero Partido MEP ta un di nan cu cada bez ta papia di regla, cu mester cumpli cu ordo, pero awo mes nan ta desviando di esaki. El a splica cu berdaderamente ta cu tin comisionnan cu tin temanan cu ta toca otro, y normalmente e presidentenan ta papia hunto y ta forma un "joint-venture session", sinta



hunto y trata e tema. E par-

lamentario a bisa cu esey a pasa cu Finanzas y Energia, y Finanzas cu Turismo, y no ta nada straño cu esey ta sosode. Pero ora den comision bo ta bin cu temanan cu ta regarda otro comisionnan bo ta bezig ta bypass e sistema, segun e Parlamentario a señala. Esaki pasobra e ora ey tin un wega politico cu ne. Heyliger a indica cu Parlamento tin un

sistema, tin un proceso, anto nan tin cu mantene e proceso ey. Si nan kier ta honesto cu nan mes cu wak e proceso, si enberdad bo ta boga pa e bienestar di Aruba. El agrega cu den siete aña nada a wordo haci cu e refinancia, nan mes a cer'e, y awo e ta na werki y e ta kere cu mester desmantel'e parcial of totalmente.

Minister di Husticia presente na entrega di certificadonan di capacitacion huridico



ORANJESTAD (AAN): Mañahuebs mainta, Minister di Husticia, mr. George Croes, a participa na John F. Kennedy Education Center, na Aruba, pa entrega Directie Wetgeving en Juridische Zaken

(DWJZ) a tene un ceremonia oficial pa entrega di certificadonan na 20 participante den servicio di Gobierno di Aruba.

E ceremonia a marca e clausura di un curso intensivo di tres dia

duna pa prof. mr. Martijn Scheltema, den cual e participantenan a profundisa nan conocimiento riba e tema di Overheidsprivaatrecht. E curso ta parti di e esfuerzonan continuo di DWJZ pa fortifica e base huridico y profesional di

e participantenan.

Hunto cu Director di DWJZ, mr. George Croes, Minister Dowers a haci entrega di certificado na cada un di e cursistanan, y a expresa su aprecio pa e dedicacion y compromiso muestra durante e trayecto di ca-

pacitacion.

Cu iniciativanan manera esaki, Gobierno di Aruba ta sigui inverti den desarojo di capital humano, cu e meta di garantisar un servicio publico mas fuerte, profesional y bon prepara.

Parlamentario Xiomara Maduro cu pregunta oficial:

Pueblo kier sa mas di brug di Rooi Afo cu ta cumpli un año caba cera

ORANJESTAD (AAN): Dia 11 di februari 2026 ta cumpli exactamente un año cu e brug di Rooi Afo ta cera pa trafico. Desde 11 februari 2025, e caminda riba e dam di Rooi Afo ta cera, y te cu awe, e bisiñanan y usuario-nan no a ricibi ningun infor-macion ki dia e trabaonan di reparacion lo cuminsa y ki dia e brug lo habri bek.

E situacion aki ta causa hopi frustracion y molester pa e residentenan di Rooi Afo, ya cu e ciere prolonga di e brug, ta afecta e ac-cesibilidad, seguridad den trafico, movilidad diario, y tambe actividad economico den e zona.

Pa e motibo aki, Parla-mentario Xiomara Maduro a haci algun pregunta oficial na Minister Herde di Infra-estructura, cu e proposito di haya claridad y un plan con-creto pa informa e bisiñanan y comunidad debidamente. Den e preguntanan oficial,



a pidi ministerio claridad riba e siguiente puntonan: (*) Ki tempo Gobierno ta plania pa drecha e brug/dam di Rooi Afo? (*) Ki termino of fecha e ministerio por duna pa habrimento di e caminda pa trafico normal? (*) Ki trabaonan specifo lo wordo haci pa drecha e infraestructura (manera re-forza e structura, reparacion di fundushi, mehoracion di dreñahe, asphalt, leuning, etc)? (*) Pakico e proceso di reparacion a tuma tanto tempo, considerando cu e ta un conexion importante pa e bario? (*) Ki medida tem-poral Gobierno a tuma of lo tuma pa disminui e incomo-didad y riesgo pa residente

y trafico mientras e brug ta cera?

Parlamentario Maduro ta spera cu Minister Herde por contesta pronto y presenta un plan di accion concreto cu un timeline realistico, pa asina e bario di Rooi Afo por sa unda nan ta para y ki nan por spera den e proxi-mo periodo. “Un año cu un ruta importante ta cera, sin un plan visibel y sin co-municacion, ta pone e bario den un posicion dificil,” Parlamentario Xiomara Maduro ta expresa.



E yamada di e bario ta un solucion pa e problema simpel: claridad, accion, y cu ta dura hopi tempo caba.

Nan ta los riba caminda, pero tin doño:

Un yamada di algun habitante den vecindario di Ponton 81 pa atende cu dos cacho brabo

ORANJESTAD (AAN) -- Diahuebs, un par di habi-tante di e bario di Ponton caminda panord di e borch di antes Wema, a bati alar-ma pa dos cacho brabo cu ta cana den e vecindario, causa molester.

Nan ta cana tras di e hen-den an cu ta cana haci ehe-rccio, of bay supermarket, bay warda bus, of cualkier otro diligencia.

Den oranan di atardi dos habitante a acerca DIARIO a trece potret, pasobra e ca-chonan grandi a ataca un

cacho chikito y morde su lomba, lague sin por cana.

E animalnan aki tin banchi bisti, tin doño, y tin cas, pero e bisiñanan ta purba comunica cu e doñonan, no obstante nan ta haci caso omiso di e problema cu nan cachonan ta ocasiona, y no ta presta atencion na e kehonan. Na ta drenta cada bez den veranda di un par di cas, ta urina y laga pupu benta abao, y ta blaf masha duro mes, ora e doñonan di cas ta bin pafo pa aleha e animalnan aki.

Mainta trempa DIAR-IO mes a yama central di polis, puntra si tin Polis di Bario pa atende asuntonan na Ponton, y nan a duna nos si, un number di tele-fon di e central di Noord.

Nos a puntra pa e polis di bario y a referi na e situa-cion den cortico, pero no a logra contacto cu ne paso-bra “e ta hopi bezig”. Esey ta unico contesta cu nos a haya, y ta di compronde cu nan ta druk.

Pero den e bario aki di Ponton, ta parce cu no tin respet y kizas, ni conoce-mento mes cu tin un ley di cacho.

Tin mas cacho cu ta cana den e vecindario haciendo fastioso, y tin cu ta bula veranda subi caminda y persigui sea otro cachon-nan of peaton mes. Como dos luna atras, un adulto mayor a wordo ataca pa un cacho, supuestamente di caya, y hasta mester a yama ambulance, segun un habitante a conta nos.

Riba potret por observa e dos cacho cu a morde y de-sangra e animal chikito, cu nos ta spera e por a scapa.



Columna E Sembrado



Diasabra7 februari. Di cuater siman den tempo ordinario año 2026 Ciclo A

Caledario Liturgico

Lectura: 1Reynan 3, 4-13;
Salmo: 119;
Evangelio: Marco6,30-34;

Ora cu Hesus a sali for die boto, Ela mira un multitud grandi y a haya duele di nan, pasobranan tawata manera carne sin wardado. El a cuminsa siña nan masha hopi cos. (Marco 6, 34)

Salomon a pidi y haya for di Dios sabiduria cu e meta pago berna e pueblo di Dios cu husticia. Aunkee hen-den an a mira nan nabegay a comprende undanan tabay, Hesus a haya duele di nan paso nan ta manera carne sin wardado.Un carneta un bestia indefenso y ta depende di un wardado pa por biba meymey di naturalesa pa come sin wordo ataca. E hendenan tawatin conocimiento y com-prendemento di hopi cos pero no di lo mas esencial pabi-da y p’esey Hesus a siñanan hopi cos. Locual Hesus siña hende ta conocimiento y sabiduria spiritual pa hende yega na discerni, evita di cay den gara di e malvado. Hesus a siña nos con pa biba cu otro cu e meta pa nos wordo salba y yega na bida eterno. Hesus mes ta e wardado.

Oracion: Hesus siña nos spiritualmente pa nos desaroya spiritualidad y logra e meta cu Tata Santo mes tin pa cada un di nos. Amen.

Grupo Centro Pastoral

Tradición ta conecta nos

SETAR
Sponsor Oficial

Nan a goza di e Parada Escolar mainta na Playa



ters, Youth Xtreme, y tambe 'N Fuzion.

E parada escolar a bay bon

y a finaliza 1:00 pm na altura di Plaza Libertador Betico Croes.

Bunita disfraz di Popcorn den parada na Paradera



ORANJESTAD (AAN): Diahuebs atardi laat, DIARIO a admira e alumno aki di Colegio Pastoor Kranwinkel di Paradera, durante nan jumpup riba caminda grandi den su disfraz di Popcorn, cu decenas di popcorn di berdad pega cu lijm na su blusa, y tambe poni den su headpiece, cu e colornan di caha di Popcorn pa resto di curpa. Un bunigt disfraz sin duda alguno! Pabien.

ORANJESTAD (AAN): Riba Diabierna mainta a cuminsa den Avenida Milio Croes na Playa, cu e Parada Escolar special pa scolnan di enseñanza avanza.

Esnan cu a bay mira esaki, a nota cu e tabata uno hopi grandi y yen di ambiente.

Cada scol a bin cu nan mesun ambiente, y di tur e scolnan cu a participa, a no-

ARUBA Programa Carnaval 72

Diasabra 7 Februari 2026 - San Nicolas ~ 3:00 am
Jouvert Morning Pajamas Parade

Diasabra 7 Februari 2026 - Oranjestad ~ 8:00 pm
Aruba Grand Lighting Parade

Diadomingo 8 Februari 2026 - San Nicolas ~ 1:00 pm
San Nicolas Grand Children Parade

Diadomingo 8 Februari 2026 - Carnival Village ~ 6:00 pm
Kimamento di Momito

Diahuebs 12 Februari 2026 - San Nicolas ~ 8:00 pm
Parada di Luz San Nicolas

Diasabra 14 Februari 2026 - San Nicolas ~ 12:00 pm
Parada Grandi di San Nicolas

Diadomingo 15 Februari 2026 - Oranjestad ~ 11:00 am
Parada Grandi Carnaval 72 Oranjestad

Diadomingo 15 Februari 2026 - Harbour Arena ~ 7:00 pm
Kimamento di Rey Momo

ta cu ta hopi scol mes a haci acto di presencia.

Bandanan presente tabata Shine Music, Groove Mas-

Scolnan di Paradera a goza di nan Jump-up atardi y cu a finaliza te anochi

ORANJESTAD (AAN): Diahuebs atardi, alumnonan cu ambiente di e.o. Maria Goretti College, Colegio Pastoor Kranwinkel, y Ayo Kleuterschool a uni pa un parada di Carnaval cu tabata basta bon anima. Cu musica di D’Nova cu tur nan cantantenan cu a participa den Soca Monarch, e parada a start banda di Colegio Pastoor Kranwinkel cu a pasa den area rond di Paradera, pasa riba caminda grandi unda anochi a cay, y finalmente a termina bek na scol.

Maria Goretti College cu Ayo Kleuterschool a participa cu e tema di Construyendo Futuro, y e muchanan a bin cu nan trahe di trahador cu nan safety vest bisti, y tabata cana rond cu nan hardhat riba cabez ta jump sin stop.

Colegio Pastoor Kranwinkel a subi caya cu e tema di Circo, y aki cada hoben a bin cu nan fantasia den estilo propio cu yen di color. Y tabata bunita pa mira con hopi hende a para banda di caminda (principalmente riba caminda grandi) pa mira e Parada pasa.

**CARNIVAL 72
EMERGENCY
HOTLINE
563 2040**




Prome Minister Eman den dialogo cultural na San Nicolas:

Trahando riba plannan pa bin cu un Mural nobo pa honra Julio Bernardo Euson

ORANJESTAD (AAN): Durante su bishita reciente na San Nicolas, Prome Minister Mike Eman a reuni cu representante di artistanan urbano Tito Bolivar, conoci pa su murals emblematico cu ta duna color, historia y identidad na e distrito.

San Nicolas ta sigui capta mas y mas atencion, no solamente di turista, pero tambe di comunidad local, cu ta reconoce e balor cultural di e murals, cu ta honra figuranan prominente di Aruba. Den e reunion, a comparti e idea pa crea un mural nobo, cu lo duna reconocimiento na Julio Bernardo Euson, entre un di e gran musiconan cu Aruba a conoce.

Recientemente, a haci un bishita na Julio Bernardo

Euson na San Nicolas, un artista cu a logra reconocimento internacional, incluyendo presentacionnan na Chile y participacion den festivalnan musical na Europa. A pesar di su gran aporte cultural, su legado no semper a keda debidamente resalta den pasado. E mural nobo ta busca coregi esaki, duna honor mereci y reintroduci su figura na conciencia colectivo.

E lugar elegi pa e mural ta Chocolate City, un establecimiento bon conoci na San Nicolas, cu su ubicacion y significado cultural ta haci di dje un espacio adecua pa un reconocimiento di e caliber aki. Tito Bolivar a acepta e encargo cu entusiasmo, comprometiendo pa captura e esencia y rostro di Julio



Bernardo Euson cu precision artistico y respet historico.

Segun e plannan, e inauguracion di e mural ta proyecta pa 17 di maart, den marco di actividad grandi relaciona cu e conmemoracion di 40 aña di Status Aparte, pa duna asina un contexto aun mas profundo na e acto di reconocimiento cultural.

E proyecto aki ta forma parti di un vision mas amplio pa fortalece San Nicolas como capital di street art di Caribe. Cu mas di dies aña caba cu e murals ta forma parti di



atraccion turistico, e distrito ta sigui transforma su espacio publico den un galeria abierto, resaltando talento local y reafirmando cu artista Arubiano a alcanza un nivel profesional y aprecia no solamente na Aruba, pero tambe internacionalmente, ta local Tito Bolivar

a comparti. Prome Minister Eman a expresa su aprecio pa e iniciativa y pa e colaboracion entre artista, comunidad y lider cultural, enfatizando cu arte y cultura ta pilar esencial den preservacion di identidad y desarrollo di ciudad.



Durante un ceremonia special

Aruba Airport Authority a honra y premia e monarcanan di Carnaval 72



ORANJESTAD (AAN): Aruba Airport Authority N.V. (AAA) orguyosamente tabata anfitrión di un ceremonia pa entrega premio pa honra e ganadonan di e eventonan di Carnaval organisa pa SMAC, incluyendo e monarcanan di Carnaval, como parti di e 72 temporada di Carnaval di Aruba.

Como un patrocinado dedica na e herencia cultural di Aruba, AAA a partner cu SMAC pa reconoce e personanan kende nan pasion, creatividad y dedicacion ta mantene Carnaval bibo aña tras aña. Durante e ceremonia, e team di AAA a expresa aprecio na e ganadonan y e participantenan, reconociendo nan rol importante den preservacion y celebracion di e identidad cultural di Aruba.

“Carnaval ta un parti importante di cultura y herencia di Aruba,” asina Marilyn Feliciano, Marketing & Commu-



nications Manager na Aruba Airport Authority a expresa. El a continua bisando cu: “E participantenan ta esnan cu ta mantene e tradicion aki bibo pa medio di nan dedicacion y talento. Na AAA, nos ta orguyoso di por sostene Carnaval y ta gradici esnan cu ta sigui hiba nos cultura padilanti pa futuro generacionnan.” Durante e ceremonia, e monarcanan di Carnaval y demas ganadonan a ricibi tasnan di AUA hunto cu vouchernan di biahe loke ta duna nan e oportunidad di biaha pa destinacionnan cu nan ta desea di conoce, saliendo for di Aeropuerto Internacional Reina Beatrix. E destinacionnan ta inclui rutanen pa Argentina, Colombia, Peru, Merca y varios destinacion den Caribe, resaltando e conectividad

creciente na Aeropuerto di Aruba. Mientras cu e celebracionnan di Carnaval ta continua, AAA tambe ta extende su aprecio na tur e participantenan di Carnaval y e musiconan cu ta forma parti di e paradanan cu ainda falta y na SMAC, organizado oficial di eventonan di Carnaval, pa nan esfuersonan continuo den mantene e tradicion cultural aki bibo. Como e porta principal pa tur biahero, Aeropuerto di Aruba ta hunga un rol clave den conecta cultura di Aruba cu mundo. P a medio di sosten continuo na e actividadnan di Carnaval, AAA ta keda comprometi pa celebra herencia di Aruba, fortifica turismo y sostene e comunidad cu ta haci Carnaval posibel.

Prome Minister Eman a bishita señora Berenice Julian pa celebra su 100 año di bida

ORANJESTAD (AAN): Prome Minister Mike Eman a haci un bishita special na Madiki Kavel 175, caminda señora Berenice Julian a celebra un milestone extraordinario: 100 año di bida.

E bishita tabata un gesto di respet y aprecio pa un ciudadano cu a alcanza un siglo di edad, un logro digno di honra y celebracion. Señora Julian, cu conoce Prome Minister Eman desde su niñez, tabata parti di su crecemento como cu el a traha na cas di su mayornan y tabata alegremente sorprende cu e bishita y atencion personal cu el a ricibi riba su cumpleaños.

Durante e encuentro, Prome Minister Eman a expresa su

admiracion pa e fortaleza, sabiduria y recorrido di bida di señora Julian, resaltando e balor di nos adulto mayornan den historia y comunidad di Aruba.

E bishita a sirbi como un recordatorio cu celebracion di bida, respet pa generacionnan cu a traha y forma nos pais, y atencion personal pa ciudadano ta parti esencial di un sociedad humano y solidario.

Cu sonrisa y gratitud, señora Berenice Julian a comparti e momento special cu famia y cu Prome Minister, marcando e dia como uno memorable den su celebracion di cien año di bida.



RESULTADO DI SORTEONAN PA CORTESIA DI CADENA ALEXANDER DIABIerna 6 FEBRUARI 2026

DIARIO	KORSOU	CATACHI	ZODIAC
8160 1109 1618	8175 5523 4999	MERDIA 8062 5867 0055 MULTI- X X2	ANOCHI 5808 1900 9852 X2
10FF	LUCKY 3	BIG 4	SUPER 4
MERDIA 9712	ANOCHI 8253	MERDIA 511 X2	ANOCHI 595 FP
		MERDIA 7857 X3	ANOCHI 7932 X2
LOTTO DI DIA	27-16-05-08-23		

BUSCA PALABRA

C L N P D U N E O N T A
A C S S N N E E O A A G
N T A I O R G T A N P C
P I A N P N R N C R R N
E L U D P N A A R O O D
N I A I R E M I A D D A
C C P C I G D C M I U S
N R L A A O I R L M C O
L E C T D S G E A U T C
B D S O P H I M B S O I
R I M N P I T O O N C E
O T A A D O A C R O S D
D N I N A M L N S C I A
O O A I M O N O C E I D

Consumidornan Sociedad Digital Labor
Sindicatonan Negoshi Producto Placa
Comerciante Economia Margen Credit


> SUDOKU <

King Classic Sudoku

		4			2		7	
5					6			
	7							8
6		7		8		2		5
3			7		5			1
	1							
			3		7	4		
4	2			5	1			
7	9		6					

Difficulty: ★★★★★

7/7



Hari Un Tiki

Den oranan di atardi na un Crèche, ya caba mayoria di mayornan a yega, recoge nan yiu y a bandona e lugar.

Pero un homber di como 30 aña di edad, cu un tiki barica di cerbes, tabata para pafo di e edificio di Crèche pa basta rato ta mirando rond.

Un di e trahadornan di Crèche a mir'e, a check cu e otro trahadornan por si acaso nan sa kende e homber ta. Nan ningun di nan conoce.

E ora e trahador eventualmente a dicidi cu e ta bay mira ta kico ta pasando, pasobra esaki ta algo raro. Pues el a sali pafo bay cerca e homber, y puntr'e:

-"Dispensami cabayero, abo ta sperando un mucha?"

E homber a bira su cara pa mira e trahador, a pone un sonrisa riba cara, y cu un man a bati riba su barica. Aki el a contesta e trahador di e Crèche:

-"No señora, nada di esey. Mi a haya e barica aki door di bebe demasiado cerbes."

Solucion Anterior

3	9	4	6	1	8	2	7	5
1	5	8	4	2	7	9	3	6
2	6	7	9	5	3	1	4	8
8	3	2	7	6	4	5	9	1
9	1	6	3	8	5	7	2	4
4	7	5	1	9	2	6	8	3
5	2	3	8	7	6	4	1	9
6	4	1	2	3	9	8	5	7
7	8	9	5	4	1	3	6	2

Difficulty: ★★★

7/6

Mini Mega

Diabierna 6 Februari 2026

Sorteo# 1842

19 12 28 22

...Mega Ball: 01

- 1^{er} Premio: Tin 0 ganador Jackpot
2^{do} Premio: Tin 2 ganador Match 4
3^{er} Premio: Tin 17 ganador Afl. 500,00
4^{to} Premio: Tin 259 ganador di Afl. 50,00
5^{er} Premio: Tin 322 ganador di Afl. 15,00

Jackpot pa e proximo Sorteo di Mini Mega 10 Feb 2026
Afl. 875.000,- MEGA PLUS Afl. 1.325.000,-

EMERGENCIA NA ARUBA

Weekend 7 y 8 Februari 2026

DOCTER NA WARDA

SAN NICOLAS:

Pa San Nicolas, Docter ta na
H.A.P. ImSan.
Den weekend di 9:00 am pa 1:00
pm, y di 6:00 pm te cu 10:00 pm.

ORANJESTAD:

Pa Oranjestad, Docter lo ta na
Huisartsenpost na Hospital.
Den weekend di 9:00 am pa 1:00
p.m. y di 6:00 p.m. pa 10:00 p.m.

BOTICA NA WARDA

Info cortesía: www.iva.aw

PARIBA DI BRUG:

Botica 4 Centro Medico
Bernhardstraat 55
Telefon 584-5794

PABAO DI BRUG:

Botica Santa Cruz NV
Santa Cruz 54-A
Telefon 585-8028

DENTISTA NA WARDA

Weekend 7 y 8 Februari 2026



— 7 + 8 Februari 2026 —
Dr. Dariella Vega,
Bazinstraat 7.
Telefon: 586-6991

ATENCION: Diasabra y Diadomingo, Dentista na warda lo ta merdia na clinica di 12'or pa 1'or. Bo tin di paga 125 Florin pa consulta. Procedimentonan manera ranca djente lo costa extra.



ALMANAC



**Bahada
y salida
di solo
na Aruba**

— 7 Februari 2026
Solo ta baha: 6:44 p.m.
— 8 Februari 2026
Solo ta sali: 7:04 a.m.
Solo ta baha: 6:44 p.m.
— 9 Februari 2026
Solo ta sali: 7:04 a.m.
Solo ta baha: 6:44 p.m.



**Lista di
Crusero
di bishita
na Aruba**

—Diasabra 7 Feb. 2026:
Carnival Legend:
(09:00 - 22:00)
—Diadomingo 8 Feb. 2026:
Carnival Miracle:
(09:00 - 22:00)
Celebrity Ascent:
(09:00 - 23:00)
—Dialuna 9 Feb. 2026:
Marella Discovery 2:
(08:00 - 20:00)

Aruba Bank ta orguyoso di patrocina Juliana School MAVO den Parada Escolar Scolnan Secundario



ta contribui na crecimiento social y cultural di nos isla. E banco ta confirma su dedicacion pa construi un futuro fuerte, inclusivo y dinamico pa Aruba.



ORANJESTAD (AAN): Aruba Bank ta orguyoso di anuncia su patrocinio di participacion di Juliana School Mavo den e Parada Escolar Scolnan Secundario den cayanan di Oranjestad, un evento cu ta celebra hubentud, cultura y e spirito vibrante di Carnaval di Aruba.

Cu e patrocinio aki, Aruba Bank ta reafirma su compromiso continuo cu educacion, expresion cultural y desaroyo di comunidad.

Door di sostene e participacion di Juliana School Mavo, e banco ta yuda crea oportunidad pa hubentud expresa nan creatividad, fortalece trabao den ekipo y celebra nos herencia cultural.

Aruba Bank ta sigui inverti den iniciativa cu



Minister Wendrick Cicilia ta instala comision pa mehora conectividad di transporte aereo



ORANJESTAD (AAN): Minister di Turismo, Transporte y Labor, mr. Wendrick Cicilia, a anuncia oficialmente e instalacion di un comision special estableci pa dedica nan mes na fortalecimiento di conectividad di transporte aereo entre Aruba, Bonaire y Curaçao.

Segun Minister Cicilia, transporte aereo interinsular ta un pilar fundamental pa economia, turismo, comercio y movilidad di e Rubianonan y nos rumannan di Bonaire y Curaçao. “Un conectividad eficiente, confiabel y pagabel entre e islanan ABC ta esencial pa continua fortalece nos cooperacion regional y crea mas oportunidad economico pa nos pueblo”, asina Minister Wendrick Cicilia a expresa.

E comision lo enfoca riba: (*) Analisa e situacion actual di e vuelonan interinsular. (*) Iden-

tifica obstaculo operativo y regulatorio. (*) Evalua estructura tarifario y nivel di frecuencia. (*) Presenta recomendacionnan concreto y implementabel pa corto y mediano plaso.

E comision ta consisti di e representante-nan di Directie Luchtvaart Aruba cu ta Edwin Kelly (Directeur Directie Luchtvaart), y Albert Boekhoudt (Medewerker Luchttransport).

Tambe tin Aruba Tourism Authority cu ta Ronella Croes (CEO), y Tirso Tromp (Area Director). Tambe tin Aruba Airport Authority N.V. cu ta Johnny Andersen (CEO), y Jo-Anne Arends (Aviation Business Development Executive).

Tambe tin di Ministerio di Turismo, Transporte y Labor, esta Christiaan G. Dammers (President di e comision), y Sonaly A. Fernan-




dez-Acosta (Miembro).

Minister Cicilia a expresa su plena confianza den e profesionalismo y compromiso di e miembro nan. El a enfatisa cu e obhetivo principal ta logra un sistema di transporte aereo interinsular cu ta sostenibel, competitivo y directamente na beneficio di nos pueblo y nos economia regional.

E comision lo cuminsa cu su trabaonan dentro di poco tempo y lo presenta su prome informe conforme e planificacion estableci.

DEPORTE INTERNACIONAL

Doncic a bay saca MRI despues di sali lesiona for di wega cu Lakers a gana contra 76ers



LOS ANGELES: Lider di anotacion di NBA Luka Doncic mester a bay saca un MRI Diabierna, despues cu el a sali lesiona for di e wega cu Los Angeles Lakers a gana contra Philadelphia 76ers Diahuebs anochi.

Despues di sinti dolor na su hamstring faltando 3:03 den e di dos quarter, Doncic a sali for di wega y no a bin bek.

Na e momentonan ey Lakers tabata perdi y tur cos tabata indica cu nan lo perde, sigur ora cu na dado momento Philadelphia tabata tin un ventaha di 14 punto.

Sinembargo lidera pa Austin Reaves cu a caba di bin bek di un lesion, Los Angeles a gana e wega 119-115.

“E no a sinti cu su pia tabata bon suficiente pa e regresa den e wega, pues nos a lage keda afo”, coach JJ Redick a bisa despues di e wega. El a indica cu Doncic lo saca un MRI y ta spera cu ta djis un dolor e tabata y no algo mas serio.

Doncic a cuminsa e wega como lider di NBA cu un average di 33.4 punto pa wega den su prome temporada completo cu Lakers.

D-Backs a manda Alexander pa Orioles den acuerdo cu 4 hungador involvi



ARIZONA: Arizona Diamondbacks a cambia tercera base Blaze Alexander cu Baltimore Orioles pa pitcher drechi Kade Strowd y hungadornan di Liga Menor Wellington Aracena y José Mejía, e clubnan a anuncia Diahuebs.

Alexander temporada pasa a caba cu un OPS di .706 cu 28 careda impulsa den 74 wega pa D-Backs, despues cu el a haci su debut den

Major League na 2024.

Den dos temporada den Major League Alexander a aparece na 6 diferente posicion riba veld y a acumula 4 careda defensivo salba. Strowd di otro banda a haci su debut den MLB na 2025.

E pitcher di 28 aña a logra un ERA di 1.71 pa Orioles y 24 ponche den 26 inning y 1 tercio.

Báez suspendi for di WBC door di test positivo pa marihuana na 2023



MERCA: Hungador di infield di Detroit Tigers Javier Báez no ta bay wordo permiti di participa na e 2026 World Baseball Classic, mientras cu e tin un suspension di 2 aña pa test positivo pa uso di marihuana na 2023.

Esaki su agente a confirma na Chris McCosky di Detroit News. Báez, un parti importante di e ekipo di Puerto Rico tabata preparando pa representa su pais pa di

tres biaha na e WBC.

Sinembargo e asina yama World Baseball Softball Confederation a duna Báez un suspension di 2 aña na eventonan internacional, despues cu el a test positivo pa marihuana durante e WBC na 2023.

Su suspension ta termina riba 26 di April di e aña aki, un luna despues di final di WBC 2026.

Watson di Nuggets ta bay perde por lo menos 4 siman cu lesion di hamstring

DENVER:

Delantero di Denver Nuggets Peyton Watson tab bay perde por lo menos 4 siman debi na un lesion di hamstring, e ekipo a anuncia Diabierna. Watson a wordo lesiona den ultimo quarter di e wega cu Nuggets a perde Diaranson anochi contra New York Knicks despues di dos overtime.

E ex hungador di UCLA College ta gozando di un hopi bon temporada.

E tin un average pa wega di 14.9 punto, 4.9 rebounds, 2.0 asistencia y 1.2 blocks den 49 wega. Ora cu Watson ta riba e cancha,



Denver ta anotando 10.4 punto pa cada 100 posesion.

Denver (33-19) actualmente ta na di tres lugar den Western Conference.



Noticianan for di Hulanda

Biaheronan ta señala cu avionnan pa Merca ta basta bashi



HULANDA: Merca no ta mas un destinacion cu Hulandesnan ta interesa di bishita.

Pasaheronan Hulandes ta indica cu avionnan cu ta bula for di Hulanda pa Merca sa ta bastante bashi.

Pa luna di Juli di e aña aki tin casi 25% menos buelo planea pa Merca, compara cu un aña anterior.

Esnan cu ta riba e buelonan aki ta haya placentero si cu den e avion tin hopi espacio unda cu bo por

sinta practicamente unda cu bo kier y no tin hende ta strobabo den stoelnan preta.

Experto cibernetico y di privacidad Marietje Schaake e siman aki a pasa den algo asina ora cu el a bula pa Washington DC.

No solamente 1 biaha sino riba e buelo di regreso tambe su avion no tabata tin mucho hende den dje.

El a comparti potretnan di esaki riba su pagina di LinkedIn.

Muhe di 19 aña a haya tbs como castigo debi na maltrato horroroso cu el a comete riba bestia



A wordo descubri cu e muher tabata te hasta pasa hero door di pushi y cortan na pida.

Door cu parti di su actonan el a comete ora cu e tabata menor di edad, tratamiento di su caso a sosode cu portacera.

Hues a condena e muher pa tbs bao di condi-

cionnan estricto.

Banda di esaki el a wordo condena na un castigo di prison di 391 dia, cu ta igual na e tempo cu el a sinta caba

HILVERSUM: Diahuebs na corte di Lelystad un muher di 19 aña a wordo condena pa maltrato severo di bestia.

E muher tabata persigui, dal, taser y abusa di pushinan entre otro.

Coremento salvage door di Breda a caba den accidente na frontera di Hazeldonk



HAZELDONK: Un automobilista a haya su mes den un accidente durante cu polis tabata persigui cerca di e frontera cu Belgica.

Den esaki e chauffeur di e auto cu tabata core pa polis a resulta herida.

E persecucion a cuminsa na Utrecht y a pasa door di Breda, pero polis Hulandes no a logra gara e chauffeur den prome instancia.

Durante e persecucion tabata tin dos helicopter di polis den aire

tambe.

Prensa te cu Diabierna atardi no tabata sa pa ki motibo e automobilista tabata core pa polis.

Na Utrecht e chauffeur a dal den dos auto.

Ora cu e auto a pasa e frontera na Hazeldonk esaki a dal den un vangrail den John Lijzenstraat na Meer, Belgica.

Banda di polis Hulandes y Belgica, ambulance tambe a yega na e sitio.

Muhe a ricibi golpinan cu a mande for di tino durante pleitamento den trafico



ALKMAAR: Riba Dialuna 26 di Januari alrededor di 14.00, tabata tin un conflicto di trafico cu a tuma lugar riba highway A9, cerca di e stadion di ekipo di Eredivisie AZ.

Diabierna un vocero policial a duna di conoce cu e pleitamento entre dos muher a caba den un maltrato na Omval.

Polis awor ta buscando testigonan.

E victima a core for di Amsterdam

den direccion di Heerhugowaard y un auto blanco na dado momento a core su dilanti pa pare.

E chauffeur di e auto blanco a sigui busca e victima durante cu nan tabata core.

Na un lus di trafico e sospechoso a sali for di e auto, a cana bay den direccion di e victima, el a habri su porta y maltrate.

A consecuencia di esaki e victima a bay for di tino.

Noticia Internacional

Hospitalnan di Berlin menasa pa un ola di atake

Asociacion di Hospital di Berlin (BKG) a emiti un alerta describiendo un serie di incidentenan "aparentemente inexplicable" na hospitalnan y centronan di salud den e capital Aleman. Esakinan ta varia di incursionnan di drone riba facilidadnan di hospital y atakenan cibernetico te na candela.

BKG a declara cu servicio- nan di seguridad y inteligencia Aleman a clasifica por lo menos algun di e atakenan aki como posibel actonnan di guerra hibrido. E proteccion di facilidadnan di cuido no ta un asunto puramente interno mas pa hospitalnan, pero un tarea cu mester wordo atendi conhuntamente cu servicionan di seguridad, segun BKG.

Pa motibonan di seguri-



dad, BKG a bisa DW cu e no por revela exactamente unda e incidentenan referi na dje den e declaracion a tuma luga. E menasa hibrido creciente a pone e asociacion concientiza hospitalnan di Berlin pa establece medidanan di proteccion propio efectivo, el a bisa.

Na Berlin, tin mas cu 80 hospital, incluyendo e Hospital di Universidad Charité, esun di mas grandi di Europa, cu ta ofrece cuido integral y ta haci investigacionnan.

Na november, un explosion potente a dañá severamente e hospital Vivantes den sur di Berlin. Algun ora despues, un candela a surgi na entrada di e hospital Charité, den e distrito central di Berlin-Mitte. Den ambos caso, e incidentenan a dañá areanan designa pa tratamiento di pashentnan di cancer. Esaki a pone cu servicio- nan di seguridad estatal a lansa un investigacion riba sospecho di candela motiva politicamente.

Parlamento Venezolano a aproba ley di amnistia



Asamblea Nacional di Venezuela a aproba unanimamente den un prome votacion un concepto di Ley di Amnistia cu lo por beneficia centenares di persona encarcela pa nan participacion den protesta of pa expresa critica riba personahenan publico.

E texto, cu ainda mester pasa pa un di dos discusion riba un fecha no defini, ta contempla e devolucion di mercancia, e cancelacion di medidanan restrictivo y e posibilidad di regreso pa esnan cu a wordo forsa pa bandona e pais.

E proyecto di ley, cu por lo menos binti articulo,

a wordo presenta inicialmente pa e presidente interino Delcy Rodríguez y a ricibi e apoyo di tur 277 legislador, di cual mayoria ta di e partido na mando, segun confirma pa e presidente di Parlamento, Jorge Rodríguez.

E iniciativa ta reconoce cu personanan di diferente afiliacion politico, y asta ciudadanonan sin afiliacion na partido, a wordo sometí na procedimiento penal pa actonan relaciona cu ehercicio di derecho- nan civico of pa manifestacionnan politico.

E texto ta destaca cu e amnistia lo cubri crimen-

nan manera instigacion, resistencia na autoridad, rebelion, traicion y posesion ilegal di arma, basta cu nan a tuma luga den cuadro di protestanan di 1999 pa 2026, incluyendo mobilisacionnan manera esnan di 2007, 2014, 2017, 2019 y 2024.

Dilanti di e diputadonan, Rodríguez a afirma: "E proceso di consulta mester ta uno profundo y arduo. Laga nos no tin miedo di papia cu tur hende, cu cualkier hende cu kier bisa nos algo, cu cualkier hende cu tin un testimonio, cu cualkier hende cu tin un proposicion." E ambiente den Asamblea Nacional a refleha un cambio despues cu Nicolás Maduro a bandona poder y e ex-presidente a wordo captura pa forsanan Mericano na comienso di januari.

NOTICIA FOR DI COLOMBIA

EXPORTACION KOFFIE A SUPERA ESUN DI CARBON

PEREIRA: Pa prome biaha den 25 año, exportacion di koffie a supera esun di carbon na Colombia. E cantidad



di koffie cu a wordo exporta, ta 18,1% mas cu esun di carbon, y esey ta algo cu no a mira desde año 2000. Pues awor e cifranan di exportacion a haci un buelta inespera, y koffie tey bek como principal generado di divisas. Cifranan di oficina di estadistica, ta muestra cu den 2025 e exportacion di koffie a yega na 5.788 miyon Dollar, mientras cu esun di carbon a yega na 4.901 miyon Dollar. Esaki a pone e situacion bay bek den periodo di 1992 pa 2000, ora cu koffie tabata duna mas recurso na caha di placa Colombiano. Na año 2000, exportacion di koffie tabata riba di 1.000 miyin Dollar, compara cu e 892,8 miyon Dollar di carbon. Segun Federación de Cafeteros (FNC), na 2025 e exportacion di koffie a crece cu 70,6%, yegando na 38% di exportacion di sector di agricultura. Koffie awor ta wordo cultiva den mas area di Colombia awor, cu presencia na 23 departamento y 611 municipio. Exportacion di carbon no tabatin mesun suerte, ya cu nan a cay cu 21,2% den volumen, y entrada a cay cu 31,8% compara cu 2024.

DECLARA ALERTA ORANJE PA INUNDACIONNAN

MEDELLIN: Gobierno di departamento di Antioquia a declara alerta oranje den e red hospitalario debi na e



awaceronan pisa cu a wordo registra ultimo dianan, ocasiona pa e movimiento di frente friu door di Caribe y cu a yega te na Colombia. Awaceronan a ocasiona caos na municipionan di Urrao, El Bagre, y e subregion di Urabá. E alerta ta pone tur Hospital, Clinica, y personal di rescate keda cla pa responde di forma rapido y directo relaciona cu cualkier emergencia di salud cu por presenta debi na e awaceronan aki, specialmente pa proteha esnan mas vulnerabel manera muhenan na estado, muchanan, adultonan mayor, y personanan cu malesa cronico. E medida ta pidi tur centro di salud coordina esfuersonan, revisa disponibilidad di cama, y duna mihor atencion na esnan afecta door di e emergencia. Nan ta preparando pa bin cu accion di vacunamento, duna atencion sicologico, bay compañía comunidnan afecta, y vigilancia pa detecta na tempo cualkier malesa cu plama y check condicionnan di e shelternan temporal tambe. Ya tres brug a colapse na Urabá y laga miles di hende sin comunicacion.

HOPI BLUEBERRY CULTIVA AWOR NA COLOMBIA

BOGOTA: Como 20 año pasa na Colombia tabatin solamente 20 hectare di tereno cu tabata cultiva Blueberry



(conoci como Arándonos), pero awendia ya tin 1.000 hectare cu e frutanan aki. Awor na 2026, e produccion na Colombia por crece te cu 15%. E expansion di cultivo aki tabata silencioso, pero toch rapido. E fruta a bira comercialmente popular na Merca, siendo cu na Sur America e tabata practicamente desconoci. Ta na final di siglo 20 el a cuminsa yega Chile, despues Argentina, y tambe Peru. Pesey e ta un fruta cu ta relativamente nobo na Colombia, pero a cuminsa bira popular mesora y cu hopi deseo pa sembra esaki na e pais. Ya tin 28 compañía registra cu ta cultivando esaki, y año pasa nan tur a produci riba di 12.000 ton di Blueberries.

Noticia Internacional

INTERNACIONAL

NOTICIA FOR DI VENEZUELA

CUATRO POLIS DETENI PA ACTO DI ABUSO

CARACAS: Cuatro oficial di Polis di municipio Baruta a keda deteni, debi cu nan cuatro a gara un ciudadano na La Trinidad, unda nan a kita su pertenencianan y a exige di dje un suma grandi di placa pa asina nan por lag'e bay atrobe. Fiscal General di Venezuela a identifica nan como Rafael Salcedo, Junior Nieto, Jeison Hernández, y Angel Tovar. Nan ta deteni awor y acusa di a abusa di nan funcion, soborno, ladronicia, y uzo di arma di candela. Hunto cu esaki ta pensa di pone varios delito mas, pasobra e caso aki di corrupcion ta pone spotlight mahos riba funcion di oficial di Polis.



CASTIGO DI 24 Y 19 AÑA PA CONTRABANDO

MARACAY: Ministerio Publico a presenta tur prueba, declaracion, y resultado di interrogacion den Corte di Husticia. Na final, Hues a impone un castigo di 19 año di prison contra dos muhe pasobra nan tabata involvi den contrabando di municion, y di ta asocia cu un grupo criminal. Fiscal General di Venezuela a identifica e dos muhenan como Karla Silva y Kerlys Hernández. Tambe Corte di Husticia a haya tur prueba convincente, y pesey a condena e homber Jonathan Atta cu castigo di 24 año di prison pa contrabando di droga, cu meta pa comete crimen, y contrabando di municion.



AVION CESSNA CU ATERIZAHE FORZOSO A BOLTER

VALENCIA: Un avion priva chikito modelo Cessna a cay na tera na parokia Canoabo, na parti west di estado Carabobo. E avion di color blauw, oranje, y blanco cu matricula YV2385. Autoridadnan di Proteccion Civil a confirma cu tur dos persona cu tabata abordo, a keda na bida. Detaye extra ta cu e avion a haya problema, y pesey a dicidi na haci un aterizahe forzoso na municipio Bejuma. Pero e tereno tabata yen di yerba y buraco, y debi na esaki e avion Cessna 172G a bolter y keda cu su tres wielnan na halto. Habitantenan den e area a spanta, y a core yega cerca pa duna un man, y poco despues autoridad y demas personal di rescate a yega. E dos hendenan abordo no a ricibi herida grave, pero a wordo hiba pa un Hospital. E avion aki a wordo fabrica na 1965.



SUBI PALO PA COY MANGO PERO HAYA CORIENTE

TUCUPITA: Un hoben indigeno a ricibi shock fuerte di coriente den oranan di merdia na sector El Moriche na Tucupita, di estado Delta Amacuro, despues di a subi un palo di mata di Mango y no a ripara cu tin waya di coriente ta pasa door di dje. Esnan eybanda a mira con e hoben di 20 año a haya shock di coriente, a grita, y nan a core bay yude. E wayanan tin coriente di 110 volt solamente, pues nada di voltahe haltom y pesey e caso aki no a bira uno fatal.



Francia y Canada ta habri nan consuladonan na Groenland como muestra di apoyo

Francia y Canada, dos pais cu ta opone e plannan di presidente Mericano Donald Trump pa tuma control di Groenland, a habri nan consuladonan na Nuuk, e capital di e teritorio autonomo Danes aki, diabierna den un demostracion claro di apoyo na gobierno local.

“Esaki ta un dia hopi importante pa nos pais, pasobra awe nos ta inaugura e consulado aki na Nuuk, asina e minister Canades Anita Anand a bisa durante un ceremonia den cual a hisa e bandera Canades. E consul general nobo di Francia, Jean-Noël Poirier, a yega Nuuk diabierna pa asumi su funcionnan oficialmente. E ta considera su nombramento un señal mas di apoyo Europeo. “E prome cos ta pa scucha e groenlandesnan, pa



scucha nan, pa laga nan splica nan posicion profundamente y, di nos parti, pa confirma nos sosten na nan, te na e grado cu nan y e parti di Danes ta desea,” el a splica na AFP ora el a sali pa Nuuk. Presidente Trump y Secretario General di NATO, Mark Rutte recientemente a anuncia un “cuadro” cu bista riba un acuerdo riba futuro di e isla Artico, di cua e delineacionnan ainda no ta cla. Dinamarca y Groenland, di nan banda,

ta rechasa cualkier concesion riba soberania, un posicion cu a haya apoyo di paisnan Europeo. E decision Frances a wordo anuncia caba na juni durante un bishita di presidente Emmanuel Macron na Nuuk. Canada, mientrastanto, a indica na fin di 2024 cu e lo habri un consulado general den e teritorio inmenso di Artico pa consolida cooperacion cu e groenlandesnan. E consuladonan lo ta bou di autoridad di e respectivo embahadanan Frances y Canades na Copenhagen. Pa diplomacia Groenlandia, e apertura di consuladonan tambe ta “un oportunidad pa entrena pa independencia door di mantene relacionnan directo”, Strandsbjerg ta señalá.

China ta priminti sosten y asistencia na Cuba pero ta adverti: “E lo ta segun nos capacidadnan”

Minister di Asuntonan Exterior di China, Wang Yi a expresa su rechazo di “interferencia di forsanan stranhero” na Cuba y a sigura cu China lo sigui “ofrece sosten y asistencia den di su capacidadnan.” E declaracionnan aki a worde haci durante un reunion na Peking cu e Ministro di Asuntonan Exterior di e regimen Cubano, Bruno Rodriguez. Wang a transmiti na Rodriguez e intencion di Beijing pa “consolida y expande” e lasonan di “amistad” entre e dos gobiernonan y pa colabora cu otro “nacionnan di mesun pensamiento” pa “fortalece solidaridad den e ‘sur global’ y mantene paz na nivel regional y mundial.”



E minister di asuntonan exterior Chines a declara: “China ta sostene Cuba firmemente den proteha su soberania y seguridad nacional, y ta rechasa cualkier intento pa priva e pueblo Cubano di nan derecho di sobrevivir y desaroya,” segun e Ministerio di Asuntonan Exterior. Wang a menciona cu, dilanti di e cambionan “compleho y profundo” den e situacion Latino America y mundial, China

y Cuba “semper a mantene confianza mutuo sincero y a keda uni.” Tambe el a destaca e “spirito” Cubano di “para contra di poder y no tin miedo di dificultadnan.” Di otro banda, Rodriguez a gradici China pa su sosten enfrente di blokeo y sancionnan, y tambe pa su yudansa cu desaroyo economico y local, enfatisando cu Beijing y Havana “ta ruman y camarada.”

Pa chica Pos - Habri tubería y wc.
Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y
haye atardi! Set di sala, tv
chair, sienta auto.
Tel: 565-5577
Macapruimstraat # 1L

CONSTRUCCION
REMODELACION
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcccion di cas
y apto bon prijs. Free quotation.
Tel: 561-2137

NOS TIN SERVICIO
Corta mata y palmanan
grandi y chikito y
peligroso. Hasi tur sorto
forma di mata.
Cel: 592-1277

TA CUMpra
Holoshi bieuw y
nobo di bon marca
y antigua,
Cel: 641-4814.

TA BUSCA
UN WELDER
FABRICANTE
Cont.: 563-5002

TA CHAPI
Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

NOS TA CUMpra
Oro y plata kibra,
holoshi antiguos y
molero di bon marca.
SILVER LEAF
Havenstraat 32
Tel: 746-0535 / 592-1776

NOS TA DRECHA
Frigidaire,
wasmachine, dryer,
airco, cooler.
Tel: 566-4366

Chapi, verf, tira sushi
Ecotech, plumbing,
construcccion,
jardineria, mantencion,
handyman.
WHATSAPP: 561-1397

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

Despues di tres aña e pushi Maddox a regresa bek cerca su famia



ORANJESTAD (AAN): Esaki despues di 3 aña hopi largo y pa varios persona esaki ta un milagro di berdad. Ta increibel e pushi Maddox cu su famia, pa mira con e lazo di e pushi cu

e famia a keda fuerte y finalmente nan a reuni.

Di awor caba palabra di hopi danki na Animal Shelter Aruba pa cuida Maddox y debolbe na su famia cu tabata haya su falta.

Maddox a reuni cu su famia bek despues di 3 aña di su ausencia. Na aña 2023, Maxxox a perde y na final a resulta na Animal Shelter Aruba. Su doño a bin ta buscando e pushi

tur caminda, pero no por a haye.

E siman aki, e señora doño a yega na e shelter pasobra nan kier a adopta un cacho, pero ora cu nan a mira Maddox, el a reconoce mesora. Aki por mira e señora hunto cu Maddox loco pa bay cas cu ne. Nan tin mas miembro di famia wardando riba dje na cas, y nan tabata cla pa ricibie y uni bek.

Dos bodyguard a muri den atake contra vehiculo di senador Colombiano



BOGOTA: Un atake arma a keda registra contra e vehiculo SUV di bodyguardnan di e senador Jairo Castellanos cu a socede den municipio Fortul, di departamento di Arauca. E caso a socede riba e caminda cu ta comunica e departamento cu Norte de Santander, cu ta un zona unda a raporta varios atake riba autoridad e siman aki.

E informe ta indica cu dos bodyguard di e senador a perde nan bida na e lugar. E vehiculo den cual nan tabata moviendo, a keda cu daño considerabel,

e.o. cantidad di buraco di impacto di bala riba henter e body. E bentananan mas patras y na banda di e Toyota Prado a keda destrui.

E senador mes no tabata den e vehiculo, pasobra e tabata na pueblo di Yopal y e bodyguardnan tabata na caminda pa bay busk'e. Un di e vehiculo-nan di bodyguards no tey mas, ya cu e atacantenan a bay cu ne. Autoridad ta investigando pa conoce e motibonan di e atentado.



Cu profundo tristesa Horacio Oduber Hospital a tuma nota di fayecimento di:

Marie Winalda Williams

Mama di nos colega Gregory Steba di departamento Interieur.

HOH ta desea Gregory y demas famia hopi forza den e momentonan dificil aki.

Cu Dios duna e defunto sosiego eterno.



"Lo mi keda warda tur e dianan cu mi ta obliga di warda, te ora mi liberacion yega.

Lo Bo yama, y mi lo contesta Bo" – Job 14: 14,15

Cu hopi tristeza na nos curason pero conforme cu boluntad di Señor, nos ta anuncia e fayecimento di nos ser stima:

Enrique Tito Emanuel
Flanegin

cariñosamente yama "Tito" of "Tipote"
*04-01-1956 - †02-02-2026

Yiu di †José y †Juanita Flanegin-Tromp



Na nomber di su;

Señora: Carmen Flanegin-Ruiz

Yiu: Francis y Nurul "Vie" Flanegin

Nietonan: Kaylee y Levy Flanegin

Su lha: Gregory Flanegin

Rumannan:

†Rafael Flanegin y yui

†Reynaldo "Nadi" y Sylvia Flanegin y yui

†Robby Flanegin y yui

†Margo y Ruben Hellement y yui

Antonieta y Dolfi Kock y yui

†Freddy y Aida Flanegin y yui

Glenda y Ety Werleman y yui

Joy y Glenda Flanegin y yui

Theo y Alba Flanegin y yui

Juan y Adriana Flanegin

†Lourdes Flanegin

Hubert Flanegin y yui

Maria "Ada" Flanegin y yui

Roland Flanegin y yui

Ety y Maria-Helena Semerel

Swanan: Johnny Ruiz y yui

Luisito Ruiz y yui

Omo: Luis Tromp y famia

Y demas tanta y omonan den feliz memoria

Famia y amigonan di cas:

Norma Vasquez- Gutierrez Croes

Gino Croes y yui

Luzverena Zapata y yui

Eileen Croes & Claudio d'Aquiar y yui

Magda y Carwin Alberto y yui

Gregory Flanegin

Joanne y Jean Vrieswijk y yui

Sobrino y sobrinanan, primo y primananan, y amigo y amiganan na Aruba, Hulanda y Merca cu ta hopi pa menciona.

Nos mas sincero disculpa si den nos tristeza nos lo por a lubida un of mas famia of conocir.

Acto di cremacion: lo tuma lugar na Oosterhout, Hulanda riba Diamars 10 di februari 2026 den: **DELA**

Seterse Heide Crematorium

Florijnstraat 60, 4903 RM

Oosterhoout NB, Nederland

Tocante loke falta pa desaroya San Nicolas:

Presidente di SNBA ta spera cu despues di carnaval por reuni cu Consejo di Ministro

ORANJESTAD (AAN) Den entrevista cu DIARIO, señor Errol de Freitas., presidente di San Nicolas Business Association (SNBA), a expresa cu enberdad nan ta un asociacion di comerciante, pero nan si ta saliendo y pushando 'pa e bon sali'. Asina el a expresa.

"Mi tin cu bisa, nos tin un

gobierno sinta bayendo pa diesun luna, pero unda nan ta? Den sentido cu nos tin un par di reunion, pero nos tin cu deal cu e situacion aki. Y mi ta spera cu despues cu carnaval pasa, nos por tin e reunion cu Consejo di Ministro", Errol de Freitas a señala.

De Freitas a expresa cu tur

hende ta yega na San Nicolas ora di eleccion. San Nicolas ta e area di Aruba cu falta desaroyo. Playa tin 15 mil camber, tur e barconan ta yega aki, aeropuerto t'eynan, tur e economia t'eynan.

"Anto di con nos no por sinta traha riba locual nos ta poniendo pa nan. Nos no mester di reconocimiento di dje, pero sikiera duna nos bin paden, bay papia di e coi aki, y na final di dia nos ta bay atras, atras", señor de Freitas a menciona.

El remarca cu e prome prioridad actualmente, mester ta San Nicolas, sin kita sin pone. Esaki kiermen e aspecto so-



cial, vivienda, infraestructura. "Nos mester di esey, nos no ta bringa, nos no ta insulta, nos pidiendo atencion; duna nos e atencion ey. Mi tin casi ocho aña den e asunto aki, Anto mester yega e punto cu algo mester pasa. Anto nos ta pidiendo gobierno, encare-

cidamente, ban papia, ban drecha e asunto aki", de Freitas a remarca. El a agrega cu na final di dia, ora cu el a ripara cu mayoria den e Comision aki ta di oposicion, Anto mester di e coalicion hunto cu oposicion pa nan por tuma un decision.



Gobierno di Aruba ta extende palabra di profundo condolencia na famia y amistadnan di:

**Remigio Aureliano
Rafael Wever**

Omo di minister Geoffrey B. Wever

Nos ta desea minister Geoffrey B. Wever y demas famia hopi forza den e dianan dificil aki

Cu Sr. Remigio "Mimi" Wever sosega na paz.

Gradicimento y Invitacion

Na number di su yiu, nieto y rumannan. Nos kier a gradici di curason tur esnan cu di un of otro manera a sostene y consola nos durante e fayecimento y entiero di nos defunto stima:

Feliciano Arends

Cariñosamente yama "Fefe"

*14 Oktober 1935 -

†1 Februari 2026



Boso presencia durante e dia nan duro y entiero tabata di gran consuelo pa nos. Danki di curason na tur persona cu a juda sea den oracion of algun otro tipo di ajudo. Esaki ta wordo aprecia y recorda semper den nos curacion.

Un danki special na personal di Horacio Oduber Hospital ICU y afdeling A2 pa nan amor y cuido.

Danki na Felicia Castillo-Peña y Cas di mi Dudu pa nan pasenshi y amor.

Alavez nos kier a invita boso pa asisti na 3 Sacrificio di Misa na Parokia Sagrado Curason di Hesus na Savaneta pa descanso di nos defunto stima, Feliciano.

Fecha:

Diadomingo: 8 di Februari 2026 6:00 PM

Diadomingo: 15 di Januari 2026 6:00 PM

Diadomingo: 22 di Januari 2026 6:00 PM



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated



*Señor ta mi wardador, mi'n tin falta di nada Den cunucu di yerba berde e ta ponemi sosega E ta hibami na awa trankil, pa mi bolbe haria forza.
Salmo: 23.*

Cu profundo tristesa den nos curason, nos ta Anuncia fayecimento inespera na Puerto Rico di nos ser stima:

Maximon Facundo Flanegien

Acto di entiero lo tuma lugar na Puerto Rico.

SUPER CARD SUPER DEALS



COMFORT CLASS

**Monday
Thursday**

8.00 AWG

**Friday
Sunday**

9.00 AWG

IMAX

10.00 AWG

11.00 AWG

VIP

11.00 AWG

12.00 AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Partido MEP a entrega premionan di rifa di Dia di Betico



ORANJESTAD (AAN): Dia 25 di januari 2026 partido MEP a tene un rifa pa recauda fondo pa e partido. No ta un secreto cu e gobierno di AVP Futuro no ta solido, debi na tantisimo friccion interno y duda den integridad. Den un situacion asina tur partido politico ta prepara pa eleccion cualquier momento. Pa esey partido MEP a organiza un rifa, cu tabata sold out.

E prime premio tabata un premio cash di 10 mil Florin, y e di dos premio tabata un premio cash di 5 mil Florin. Ademá a regala 10 basket como di 3 premio. Entrega di e tur e premionan a tuma lugar e siman aki. Partido MEP ta gradici tur esnan cu a contribui pa haci e rifa uno exitoso, y ta felicita e ganadornan.

Esaki ta un año hopi special pa partido MEP, mirando cu ta e año cu nos ta celebra 40 año di Status Aparte, 50 año di nos himno y nos bandera y



55 año di nos partido MEP.

“Mi ta sintimi honra y sumamente orguyoso cu mi por lidera e prestigioso partido aki, cu a logra asina tanto pa nos pais. Si no tabata pa e lucha di Betico Croes pa nos Himno, Bandera y Status Aparte y si no tabata pa e lucha di Nel Oduber pa scrap e fecha di independencia, awe nos lo no ta celebrando ni 40 año di Status Aparte, ni 50 año di Himno y Bandera”, Evelyn Wever-Croes a finalisa bisando.



LUCKY GROUP OF STORES

FRIGIDAIRE
4 BURNER
GAS STOVE

24
INCH

SPECIAL PRICE
749.00



FRIGIDAIRE
CHEST FREEZER

18
CUFT

SPECIAL PRICE
1499.00



SAMSUNG

85" 4K UHD SMART LED HD TV



Ultra HD
4K

SPECIAL PRICE
2289.00

SAMSUNG

DISHWASHER



SPECIAL PRICE
1389.00

24
INCH

FULLY AUTOMATIC
WASHING MACHINE



LG

Life's Good



SPECIAL PRICE
689.00

09
KG

SEMI AUTOMATIC
WASHING MACHINE



LG

Life's Good



SPECIAL PRICE
499.00

08
KG

LUCKY ELECTRONICS

HAVENSTRAAT #27 TEL:-582-9630 / 6610420

GoPro
Be a HERO.

HERO 13



661-0420

FUJIFILM
instax
mini 12



661-0420

Buy the Most
Romantics gifts
from
Lucky Electronics
this
Valentine
Day

MASSAGE GUN
with Travel Pack



Special
Price
\$39.99



IPHONE 17



661-0420




WATCH SE 3



661-0420

Light Up Watch



25% off

Light Up Tie



25% off

Mask



21.95
14.95

5pcs Ice Jug



240.00



**Flash
Ice
Cube**

25% off

Carnival Light up Item



25% off

Valentine Cup



3.95

Folding Stool



16.95
21.95

LED Light Glass



25% off

LED Light Beer Mug



25% off



Bar Stool

125.00

Tent

3m x 3m



195.00
160.00

LUCKY SUPER STORE

JOHN G EMANSTRAAT #71 TEL:-582-3001

LUCKY FAMILY STORE

SAVANETA #490 TEL:-582-0034

LUCKY ELECTRONICS

HAVENSTRAAT #27 TEL:-582-9630